

155

HARVARD COLLEGE LIBRARY
FROM THE
HARVARD-YENCHING
INSTITUTE
OCT 1 1928

~~Ch L 9297.74~~

~~Ch L 9301.74~~

Ch L 9297 / 1 184

册府元龜



淮南李嗣京參閱

西極文翔鳳訂正

豫章黃國琦較釋

總錄部

世官

傳曰世不失職又曰世濟其美不墮其名蓋古之守
官者修其方而垂裕宿其業以延嗣義訓攸篤軌迹
彌劭故能介象賢之祉成善繼之名復治先職以載
名譽至有官守無改故吏多在規度斯覲流風相接

出處更踐德聲宣聞系緒積累慶靈綿久自非恪居
之績可述惟肖之質無忝茂昭前烈以塞群望者又
曷能免世祿之議哉至有代諸父之任踵伯仲之武
皆可類舉亦弁而叙焉

重黎帝嘗時居火正甚有功能光融天下帝嘗命曰

祝融祝火也始也融明也共工氏作亂帝嘗使重黎誅之而不

盡帝乃以庚寅日誅重黎而以其弟吳回為重黎後

復居火正為祝融

周造父為繆王御西巡狩見西王母樂之忘歸而徐

偃王反繆王日馳千里馬攻徐偃王大破之乃賜造

父以趙城自造父下六世至奄父曰公仲宣王時伐

戎為御

鄭桓公武公父子並為周司徒善於其職國人宜之

故美其德賦緇衣之詩以明有國善善之功焉

觀從楚大夫也平王立平王名棄疾召觀從曰惟爾所欲

說從教初王比殺棄疾棄疾今召用之明在君為君之義對曰臣之先佐開卜乃

使為卜尹佐卜人開龜戊

漢周勃以將軍從高帝遷為太尉後以列侯事惠帝

惠帝六年置太尉官以勃為太尉文帝即位以勃為

右丞相居十餘月請歸相印許之十餘歲丞相陳平

卒復用勃為相子亞夫為中尉景帝三年吳楚反亞夫為太尉東擊吳楚破平歸復置大尉官五歲遷為丞相

金日磾字翁叔封柁侯有忠勤之節七葉為侍中

石奮官至大中大夫東陽侯張相如為太子太傅免

選可為傅者皆推奮為太子太傅武帝元狩元年立

太子選群臣可為傅者奮子慶自沛守為太子太傅

汲黯字長孺其先有寵於古之衛君六國時衛弱至但稱君也

黯十世世為卿大夫

杜周武帝時為御史大夫子延年宣帝五鳳中徵為

御史大夫居父官府不敢當舊位坐卧皆易其處

韋賢為丞相子玄成復以明經歷位至丞相故然

諺曰遺子黃金滿籬不如一經

平當為丞相當子晏以明經歷位大司徒漢興惟韋

平父子至宰相漢安帝更名丞相為大司徒

劉德長樂衛尉辟彊之子也德昭帝初為宗正丞雜

治劉澤詔獄雜謂以他官共治之也劉澤孝齊王之孫謀欲叛殺青州刺史者也父為

宗正徙大鴻臚丞遷大中大夫後復為宗正雜案上

官氏蓋主事德子向本名更生元帝即位前將軍蕭

望之諸吏光祿大夫周堪薦更生宗室忠直明經有

行擢爲散騎宗正給事中又德傳曾至孫慶忌復爲
宗正太嘗薨子岑嗣爲法曹中郎將列較尉至太嘗
史高爲侍中貴幸子丹以父位爲中庶子元帝卽位
爲駙馬都尉侍中九男皆以丹任爲侍中

馮野王與弟立相代爲上郡太守吏民嘉美歌之曰
大馬君小馮君兄弟繼踵相因循聰明賢智惠吏民
政如魯備德化均周公康叔猶二君

後漢鮑永建武中爲司隸較尉其子昱中元初拜司
隸較尉詔昱詣尚書使封胡降檄光武遣小黃門問
昱有所怪不對曰臣聞故事通官文書不著姓名今

司徒露布怪使司隸下書而著名也帝報曰吾固欲
令天下知忠臣之子復爲司隸也昱在職奉法守正
有父風

馮魴字孝孫父子兄弟並帶青紫三代侍中

郭躬爲廷尉家世掌法弟子鍾又爲廷尉鍾子賀復
至廷尉賀弟禎亦以能法律至廷尉鍾弟子禧少明
習家業兼好儒學有名譽亦爲廷尉

廉范趙將廉頗之後也漢興以廉氏豪宗自苦陘徙
焉世爲邊郡守

陳寵爲尚書子忠辟司徒府三遷廷尉正司徒劉愷

舉忠明習法律宜備機密於是擢尚書使居三公曹
趙興爲司隸較尉子峻爲太傅以才器稱孫安世魯
相三葉皆爲司隸時稱其盛

袁安章帝元和三年代第五倫爲司空章和元年代
桓虞爲司徒安子京京子湯桓帝初爲司空累遷司
徒太尉湯子逢靈帝立爲司空又安子敞安帝元初
三年代劉愷爲司徒

王冀字伯宗安帝建光初爲司隸較尉累遷太嘗順
帝永建四年爲司空子暢字叔茂少以清實爲稱爲
齊相徵拜司隸較尉靈帝建寧初爲司空

楊震安帝永初四年徵入爲太僕遷太嘗永寧元年
代劉愷爲司徒延光二年又代愷爲太尉中子秉桓
帝時爲光祿大夫梁冀用權秉稱病六年冀誅後乃
拜太僕遷太嘗後代劉矩爲太尉秉子賜靈帝熹平
二年代唐瑜爲司空五代表袁隗爲司徒免光和元
年爲太嘗五年冬爲太尉免中平二年復代張溫爲
司空子彪中平六年代董卓爲司空其冬代黃琬爲
司徒免從入關爲太嘗免又代淳于嘉爲司空免復
拜太嘗獻帝興平元年代朱雋爲太尉錄尚書事
魏劉馥爲揚州刺史馥子靖文帝黃初中從黃門侍

郎遷廬江太守詔卿父昔任彼州今卿復據此郡可謂克負荷者也

韋端從涼州牧徵爲太僕子康代爲涼州刺史時人榮之

杜畿爲河東太守子恕復爲太守恕所在務存大體而已其樹惠愛益得百姓歡心不及於畿

辛毗爲衛尉子敞官至衛尉

盧毓爲僕射典選舉子欽爲尚書僕射領選

蜀呂祥子及孫世爲永昌太守

吳孫隣字公達雅性精敏幼有令譽九歲代父貢領

豫章

朱才爲較尉領兵後弟亦以較尉領兵

周瑜字公瑾從祖父景景子忠皆爲漢太尉

顧潭祖父雍爲丞相平尚書事卒數月拜潭太嘗代

雍平尚書

晉山濤武帝咸寧中除尚書僕射領吏部子簡懷帝

永嘉初爲尚書左僕射領吏部

何曾子劭爲侍中尚書劭庶兄遵爲侍中遵子綏爲

侍中尚書

虞懌與弟望並有士操孝悌廉信爲鄉黨所稱而俱

世官
好臧否以人倫爲己任少仕州郡兄弟更爲治中別
駕

杜軫成都人爲犍爲太守甚有聲譽當遷會病卒弟
烈明政事察孝廉歷平康安陽令所居有異績遷衡
陽太守聞軫亡因自表兄子幼弱求去官詔轉犍爲
太守蜀士榮之

謝奕從兄尚爲豫州刺史尚有德政旣卒爲西藩所
思朝議以奕立行有素必能嗣尚事乃遷都督豫司
冀并四州軍事安西將軍豫州刺史

滕修爲安南將軍廣州牧後修孫舍爲平南將軍廣
州刺史在任積年甚有威惠

袁猷少與兄瓌齊名代瓌爲呂令復相繼爲江都令
繇是俱渡江

陶璜父基爲吳交州刺史璜復爲交州牧在州三十
年威恩著於殊俗後璜子威領刺史在職甚得百姓
心三年卒威弟淑子綏後並爲交州自基至綏四世
爲交州者五人

薛兼字令長清素有器宇資望故如上國不似吳人
歷位二宮丞相長史元帝踐祚累遷太子少傅自綜
至兼三世傳東宮

周訪爲南中郎將督梁州諸軍梁州刺史卒子撫後
爲益州刺史穆帝永和初進督梁州之漢中巴西梓
潼陰平四郡軍事升平中進鎮西將軍在州三十餘
年哀帝興寧三年卒子楚起家參征西將軍事從父
入蜀拜鷹揚將軍健爲太守父卒以楚監梁益二州
假節襲爵建城公世世在梁甚得物情撫弟光少有
父風光子仲孫興寧初爲寧州刺史桓溫以梁益多
寇周氏世有威稱復除仲孫監益州梁州之三郡自
訪以下三世爲益州

棗據善文辭爲太子中庶子子嵩字臺產才藝尤美

爲太子中庶子

祖約逃之弟也逃有功於譙沛約漸見任遇逃卒自
侍中代逃爲西平將軍豫州刺史領逃之衆

庾闡能屬文爲給事中領著作其子肅之亦有文藻
著稱歷給事中

徐苗字叔胄累世相承皆以博士爲郡守

鄧嶽字伯山督交廣二州軍事建武將軍平越中郎
將廣州刺史假節加平南將軍卒嶽弟逸字茂山亦
有武幹嶽卒後以逸交監廣州建威將軍平越中郎
將廣州刺史假節

孔愉爲會稽內史卒於山陰之私第後其子孔國孫
靜並再爲會稽內史

王珉父洽嘗爲中書令至珉復居之時人以爲奕世
令聖

孔巖爲吳興太守善於宰牧甚得人和後從姪廡廡
子琳之並爲吳興太守

丁潭爲散騎嘗侍子話後亦至散騎侍郎

桓石秀代叔父冲爲寧遠將軍江州刺史領鎮蠻護
軍西陽太守在州五年以疾去職其弟石民爲梁郡

太守時叔父冲鎮荊州及冲薨詔以石民監荊州軍

事西中郎將荊州刺史桓氏世莅荆土石民兼以才
望甚爲人情所仰

宋陸仲元者晉太尉玩曾孫以事用見知歷吏部郎
右衛將軍侍中吳郡太守自玩洎仲元四世爲侍中
時人方之金張一族

殷淳曾祖融祖元並爲晉太嘗淳歷中書黃門侍郎
淳弟冲亦歷中書黃門吏部郎冲弟淡亦歷黃門吏
部郎

張暢爲侍中代子淹領太子右衛率

毛虎生及子璩並爲益州刺史

王淮之任宋臺御史中丞為僚友所憚淮之父納之祖臨之曾祖彪之自彪之至淮之四世並居此職

何偃為吏部尚書父尚之去選未五載偃復襲其職世以為榮

杜驥為冀州刺史徵拜左軍將軍兄坦代為刺史北土以為榮

杜弘文交州刺史慧度子也弘文初為九真太守及繼父為刺史亦以寬和得眾襲爵龍編侯

朱修之為司徒從事中郎文帝謂之曰卿曾祖昔為王導丞相中郎卿今又為王弘中郎可謂不忝爾祖

矣

南齊柳世隆元景弟之子也出為虎威將軍上庸太守帝謂元景曰卿昔以虎威之號為隋郡今復以授世隆使卿門世不絕公也

沈淡與弟淵冲並歷御史中丞 又云中丞案裁之職被憲者多結怨母孔氏在東隣家失火疑為人所焚焚大呼曰我三兒皆作御史中丞與人豈有善者

顧憲之為給事中黃門侍郎兼尚書吏部郎中宋世其祖覲之嘗為吏部庭植嘉樹謂人曰吾為憲之種耳至是憲之果為此職

傅琰字季珪山陰令僧祐子也宋明帝泰始六年琰

又爲山陰東土大縣難爲官長僧祐在縣有稱琰尤
明察又著名琰父子並著奇績江左鮮有匹云諸傳
有治縣譜子孫相傳不以示人

梁謝覽爲吏部尚書覽自祖至孫三世居選部當世
以爲榮

劉季連爲輔國將軍益州刺史季連父宋世爲益州
令節無政績州人猶以義故故善待季連季連下車
存問故老撫納新舊見父時故吏故吏皆對之流涕
蕭昂字子明景之第三弟也武帝天監初爲輕車將
軍監南兗州初景再爲兗州德惠在人及昂來代時

大方之馮氏

夏侯夔爲豫州刺史夔兄直先經此任至是夔居焉
兄弟並有恩惠於鄉里百姓歌之曰我之有州頌仍
夏侯前兄後弟布政優優夔在州七年甚有聲績遠
近多附之

謝舉爲五兵尚書遷掌吏部舉祖莊宋世再與選至
舉又三爲此職前代未有也又遷侍中中書監未拜
遷太子詹事翼左將軍舉父瀟齊世終此官累表乞
改授勅不許久之授職

到沆爲洗馬晉東宮書記散騎省天監三年詔尚書

郎在職清能或人才高妙者爲侍郎以沆爲殿中曹
侍郎沆從父兄漑治並有才名時皆相代爲殿中當
世榮之

王承除國子祭酒承祖儉及父暕嘗爲此職三世爲
國師前代未之有也當世以爲榮

孔僉歷官國子助教三爲五經博士子叔玄頗涉文
學官至太學博士

沈峻爲五經博士卒子文阿傳父業尤明左氏傳太
清中繇國子助教爲五經博士

陳袁憲爲左僕射叅掌選事先是憲長兄樞爲左僕
射至是爲右僕射臺省曰樞爲大僕射憲爲小僕射
朝廷榮之

賀德基字承業世傳禮學祖文發父淹仕梁俱爲祠
部並有名當世德基於禮記稱爲精明累遷尚書祠
部德基雖不至大官而三世儒學俱爲祠部時論美
其不墜焉

樊毅南陽人也隸王僧辯討河東王蕭譽以功除假
節威戎將軍右中郎將代兄俊爲梁興太守

後魏庾業延父及兄和辰世典畜牧
司馬楚之爲侍中鎮西大將軍開府雲中鎮大將朔

州刺史琅琊王楚之尚魏諸女河內公主生子金龍
後襲爵拜侍中鎮西大將軍開府雲中大將軍朔州刺
史金龍弟躍字寶龍尚趙郡公主拜駙馬都尉代兄
爲雲中鎮將朔州刺史楚之父子相繼鎮雲中朔土
服其威德

辛穆與其子馥並爲平原相吏民懷安之
韋臄爲荆郢和羅大使南郢州刺史丑夷啓稱臄父
珍往任荆州恩洽夷夏乞臄充南道將別領荆州驍
勇共爲腹背詔從之

皮豹子爲都督秦雍荆梁益五州諸軍事開府仇池
鎮將豹子子喜高祖初拜侍中都督秦雍荆梁益五
州諸軍事開府仇池鎮將以其父豹子昔鎮仇池有
威信故也

楊洋華陰人爲右將軍華州刺史與兄播前後皆牧
本州當世榮之

單衆敬爲兗州刺史子元賓後亦爲兗州刺史父子
相代爲本州當世榮之

邢祐假員外散騎嘗侍使于宋祐子產復假員外散
騎嘗侍使于南齊仍世將命時人笑之

傅敬和豎眼長子也豎眼前爲益州刺史敬和孝莊

時復爲益州刺史朝廷以其父有遺惠故也

江文遥爲汝州刺史卒于州長史許思祖等以文遥遺愛在民復推其子果行州事旣攝州任乃遣使奉表莊帝嘉之除果通直散騎侍郎假節龍驤將軍行汝州事

北齊鄭述祖爲兗州刺史初其父道昭爲兗州於彭城南小山起齊亭刻石爲記述祖時年九歲及爲刺史往尋舊迹得一破石有銘云中嶽先生鄭道昭之白雲堂述祖對之嗚咽悲動群寮

後周泉企上雒豐陽人曾祖景言任魏假宜陽郡守

世襲本縣令父安志復爲宜陽郡守領本縣令企年十二鄉人皇平陳合等三百人詣州請企爲縣令州爲申上時吏部尚書郭祚以企年少未堪宰民請別選遣終此一限令企代之宣武詔曰企向成立且爲本鄉所樂何爲捨此世襲更求一限遂依所請

李旭爲黃門侍郎太祖嘗謂旭曰卿祖昔在中朝爲御史中尉卿操尚貞固理應不墜家風但孤以中尉彈劾之官愛憎所在故未卽授耳然此職久曠無以易卿乃奏旭爲御史中尉

裴文舉遂之子也武帝保定三年遷絳州刺史遂之

世官
莅正平也以廉約自守每行春省俗單車而已及文
舉臨州一遵其法百姓美而化之

奚達武爲大宗伯父震嘗爲此職時論榮之

于翼爲渭州刺史翼兄實嘗莅此州頗有惠政翼又
推誠布信事存寬簡夷夏感悅比之大小馮君焉

隋田式字顯標馮翼下邳人也祖安興父長樂世魏
俱爲本郡太守式仕周又爲本郡太守親故屢進請
託不行武帝聞而善之

庾季才爲大中大夫藝術精通子質復爲太史令質
子儉亦傳父業兼有學識仕歷襄武令元德太子學

士義寧初爲太子令

唐漢陽王瓌高祖武德中代兄孝恭爲荊州都督

溫彥博歷中書侍郎時弟彥將亦爲中書侍郎

趙道興貞觀中爲左武侯中郎將隋武侯大將軍才
之子也明閑宿衛號爲稱職太宗嘗謂曰卿父爲隋
武侯將軍甚有當官之譽卿今克傳弓冶可謂不墜
家聲因擢授右武侯將軍其父時解字仍舊不改時
人以爲榮

唐盧承慶博學有才幹貞觀中歷雍州別駕尚書左
丞弟承業亦有才幹與承慶相次爲尚書左丞雍州

刺史時人榮之

李百藥德林子也百藥貞觀元年為中書舍人子安期高祖永徽中為中書舍人自德林至安期三世皆掌制誥安期孫萬冲又為中書舍人

戴胄貞觀中為民部尚書以本官參預朝政胄兄子至德乾封中累遷西臺侍郎同東西臺三品轉戶部尚書依舊政事父子十數年間相繼為尚書皆預知國政時以為榮

崔仁師貞觀中為中書舍人累遷中書侍郎平章事子湜中宗景龍中為中書舍人再為中書侍郎平章

事

蕭均貞觀中為中書舍人有名於時均曾姪孫嵩開元初為中書舍人嵩子華肅宗上元初拜中書侍郎平章事華孫復建中末吏部尚書平章事華子嘗嘗子俛穆宗初為中書侍郎平章事尋轉門下侍郎嘗第悟子倣懿宗咸通末為兵部侍郎平章事開立本工部尚書立德之弟也高宗顯慶中立本自將作大匠遷拜工部尚書兄弟相代時人榮之

薛元超隋內史侍郎道衡孫也元超高宗朝為中書舍人中書省有一盤石初道衡為內史侍郎嘗踞而

草制元超每見此石未嘗不泫然流涕肅宗上元三年復爲中書侍郎元超從子稷睿宗景雲中又爲中書侍郎

韓休伯父大敏則天初爲鳳閣舍人休歷遷中書舍人禮部工部侍郎知制誥休子法亦歷知制誥休孫皐德宗朝爲考功郎中知制誥遷中書舍人皐父澁代宗大曆中爲尚書左丞皐德宗貞元末爲尚書右丞澁弟洞興元初爲京兆尹皐貞元十四年爲京兆尹

張說則天初爲鳳閣舍人子均玄宗朝爲中書舍人姚璹與弟玼數年間俱爲定州刺史戶部尚書時人榮之

房穎叔則天聖曆中爲天官侍郎自其高祖景伯至穎叔四代咸居選部時論榮之

韋承慶弟嗣立長壽中代承慶爲鳳閣舍人長安三年承慶又代嗣立爲天官侍郎頃之又代嗣立知政事當時以爲榮

劉知幾長安中累遷左史修國史開元初遷左散騎常侍子貺餽秩貺終於起居郎修國史餽累爲給事中尚書左丞左散騎常侍秩給事中尚書右丞

李景伯中宗景龍中爲給事中子彭年玄宗開元甲
又遷給事中

王維與弟縉以詞學齊名玄宗開元初縉爲監察御
史天寶初維亦爲監察御史

賈曾初爲中書舍人以父名忠固辭乃拜諫議大夫
知制誥開元初復拜中書舍人子至天寶末爲中書
舍人玄宗幸蜀肅宗卽位于靈武玄宗遣至爲傳位
冊文玄宗歎曰昔先宗遜位於朕冊文則卿之先父
所爲今朕以神器付備君卿又當演誥可謂繼美矣
韋斌天寶中拜中書舍人其兄陟先爲中書舍人而

斌又繼遷時人美之

韋見素天寶五年爲諫議大夫克江西山南黔中嶺
南黜陟使還拜給事中改尚書左丞吏部侍郎子倜
諤皆至給事中孫頌以廕補千年累遷給事中尚書
左丞吏部侍郎

于休烈嗣子益次子肅相繼爲翰林學士

孫成父逃兄宿繼掌綸言三十年間更蕃西掖時論
榮之

盧奕懷慎之少子也天寶十一年爲御史中丞始懷
慎及貞並爲此官父子三人爲中丞清節不易時人

美之

郭英乂隴右節度使知運之季子也少以父業習知
武藝策名河隴間以軍功累遷諸衛員外將軍至德
初肅宗興師朔野英乂以將門子特見任用遷隴右
節度使

崔渙乾元中累遷御史大夫子縱德宗建中中爲大
理少卿魏州都糧料使與李懷光同赴奉天拜京兆
尹懷光反德宗行幸梁州或曰縱素善懷光今不來
矣帝曰縱吾能保其心不數日縱至拜御史大夫

張守珪字獻誠守珪弟守瑜守瑜子獻恭並爲山南

西道節度使

李峴肅宗幸靈武應召至行在拜扶風太守兼御史
大夫旣收京師拜禮部尚書守京兆尹復兼御史大
夫時峴兄峘爲戶部尚書兼成都尹乾元初玄宗還
京自蜀至又兼御史大夫兄弟俱判臺事國初已來
兄弟並拜大夫未有其比

李希言爲禮部侍郎子紆代宗大曆中亦歷禮部侍
郎

崔祐甫德宗初爲門下侍郎平章事專中書侍郎平
章事修國史祐甫子植穆宗長慶初拜中書侍郎平

章事

鄭綱貞元中爲起居郎綱孫顥懿宗咸通中爲起居郎

李晟貞元中爲鳳翔節度子愬憲宗元和中爲隨唐
鄧節度旣平蔡州憲宗有意收復河湟故地授愬鳳
翔節度使路繇闕下會李師道再叛詔徵兵討之遂
改愬爲徐泗節度與兄愿交換其城旬日間再踐父
兄之任弟聽文宗開成中授鳳翔節度使父晟兄愬
兄愿皆鎮鳳翔時人榮之

鄭餘慶貞元十三年爲工部侍郎子澣穆宗長慶中

遷中書舍人文宗太和二年遷禮部侍郎餘慶憲宗

元和中爲山南西道節度觀察使興元尹太和
自左丞出爲山南西道節度觀察使興元尹餘慶之
鎮興元創儒宮設學館至澣來復繼前美澣子處誨
累遷工部刑部侍郎又遷宣武軍節度使處誨弟從
謙宣宗大中中遷中書舍人懿宗咸通三年拜禮部
侍郎專刑部又爲宣武軍節度使以兄歿於宣武訖
一政不於公署舉樂

王緯字文卿父之咸初爲長安尉緯舉明經又書判
入等歷長安縣尉

杜佑再爲淮南節度貞元十九年入朝拜簡較司空
同平章事順宗卽位初進簡較司徒憲宗時再拜司
徒平章事佑孫綜武宗會昌中拜中書侍郎同平章
事尋出鎮西川俄復入相加司空繼加司徒復歷淮
南節度

竇嘗憲宗元和中爲國子祭酒弟牟穆宗長慶初亦
爲國子祭酒

孔殘元和中自華州刺史入爲大理卿穆宗長慶中
自吏部侍郎爲右散騎嘗侍弟戢自汝州刺史爲大
理卿湖南觀察爲右散騎嘗侍

令狐楚爲失方員外郎知制誥元和九年入翰林遷
中書舍人十二年罷內職守中書舍人十四年自河
陽節度入拜中書侍郎同平章事楚子絢宣宗大中
二年考功郎中知制誥其年入翰林拜中書舍人四
年拜兵部侍郎平章事絢子渙位至中書人翰林學
士

薛存誠自兵部郎中爲給事中子廷老自刑部郎中
遷給事中廷老子保遜位至給事中

韓克中書令弘之弟爲河陽昭義衙門將及弘節制
宣武召歸主親兵軍中奏官累至御史大夫元和十

冊府元龜 世官 卷之七十一
五年代姪公武爲鄜坊節度使加簡較工部尚書穆
宗長慶元年又自鄭滑節度充宣武軍節度使

張弘靖祖加貞爲中書舍人相玄宗爲中書令謚恭
肅父廷賞爲中書舍人相德宗爲左僕射平章事謚
成肅弘靖亦爲中書舍人復相憲宗

韋貫之穆宗長慶初爲河南尹子澳咸通中爲河南
尹

鄭覃長慶四年遷御史中丞文宗太和九年爲右僕
射平章事加門下侍郎監修國史弟郎武宗會昌中
爲御史中丞宣宗大中中爲禮部尚書平章事加中

書侍郎監修國史

高鉞長慶四年正拜中書舍人充翰林學士如故文
宗太和三年授刑部侍郎遷吏部侍郎弟銖開成三
年自江西觀察入爲刑部侍郎弟錯太和七年爲中
書舍人開成中轉吏部侍郎鉞子湜懿宗咸通中再
爲中書舍人

崔郾爲給事中敬宗卽位選爲翰林侍講學士轉中
書舍人轉禮部侍郎子瑤累至中書舍人宣宗大中
六年知貢舉旋拜禮部侍郎瑤弟瑾懿宗咸通中拜
禮部侍郎郾弟鄆太和三年以考功郎中充翰林學

士轉中書舍人

路群文宗太和四年爲翰林學士五年正拜中書舍人子巖宣宗大中中累遷中書舍人

高元裕開成三年爲諫議大夫克翰林侍講學士兄少逸開成四年遷諫議大夫代元裕爲翰林侍講學士兄弟迭處禁密儒林榮之

李德裕自淮南節度使授門下侍郎同平章事初德裕父吉甫年五十一出鎮淮南五十四自淮南復相德裕鎮淮南復入相一如父之年亦爲異事

崔珙武宗會昌初累遷戶部侍郎克諸道鹽鐵轉運

使等弟瑑宣宗大中初爲兵部侍郎克諸道鹽鐵轉

運使瑒弟興大中七年權知戶部侍郎轉兵部侍郎

張勗以宣宗大中中宰相于琮判度支召爲司勳員

外郎判度支尋用爲翰林學士轉郎中知制誥拜中

書舍人戶部侍郎學士承旨子文蔚昭宗乾寧中以

祠部郎中知制誥正拜中書舍人崔胤與文蔚同年

進士尤相善用爲翰林學士戶部侍郎

王龜懿宗咸通中爲浙東觀察使兄式宣宗大中時

廉問于此曾破草賊裘甫亦著善政至是越人咸喜

焉

後唐趙彛唐僖宗光啓中爲陳州刺史其後彛弟昶
翊皆相繼爲陳帥

封舜卿莊宗同光已來累歷清顯封氏自太和以來
世居兩制以文筆稱於時舜卿從子渭昭宗遷籬時
爲翰林學士舜卿爲中書舍人叔姪對掌內外制從
子翹於梁貞明中亦爲翰林學士

劉遂清末帝清太元年以前興州刺史爲西京副留
守代其兄遂雍爲淄州刺史

册府元龜

册府元龜

淮南李嗣京參閱

西極文翔鳳訂正

豫章黃國琦較釋

總錄部

志節

男子之生懸弧於門示將有事於四方也盖古之志
士懋勳於世揚名於後者未始不懷慷慨之操勵剛
果之節因事感發挾義個儻或塊處窮約或遭罹困
辱而能壯圖內激英槩外見發乎心術形於語言卒

册府元龜

總錄部

能踐之斯可復也至有服膺刻意研味前說矯尾厲
角歷干當世不喜卑冗之役無事貴游之樂輕章句
之誦習慕豪英之風軌專講王霸之術好論將帥之
事靡尚細節罔循管簡是皆魁梧磊落之人也豈觀
擬廉謹云乎哉

申包胥楚大夫初與伍員為友伍員之亡也謂包胥
曰我必復楚國也復報也包胥曰勉之子能復之我必能

興之及昭王在隨包胥如秦乞師

吳起衛人少時家累千金游仕不遂遂破其家鄉族
笑之吳起殺其謗已者三十餘人而東出衛郭門與

其母訣齧臂而盟日起不為卿相不復入衛後為楚
相

蘇秦者東周雒陽人也東事師於齊習之於鬼谷先

生潁川陽城有鬼谷蓋是其人所居因為出游數歲

大困而歸兄弟嫂妹妻妾皆笑之曰周人之俗治產

業力工商什二以為務今子釋本而事口舌困不亦

宜乎蘇秦聞之而慙自傷乃閉室不出出其書編觀

之曰夫士業已屈首受書而不能以取尊榮雖多亦

奚以為於是得周書陰符伏而讀之期年以出揣摩

戰國策曰乃發書陳篋數十得太公陰符之謀大而
誦之簡練以為揣摩讀書欲睡引錐自刺其股血流

至踵曰安有說人主不能出其金帛錦綉取卿曰此相之尊者乎期年揣摩成鬼谷子有揣摩篇

可以說當世之君矣後佩六國相印終齊客卿

張儀者衛人也始嘗與蘇秦俱事鬼谷先生學而游

說諸侯嘗從楚相飲已而楚相亡壁門下意張儀曰

儀貧無行此必盜相君之壁共執張儀掠笞數百不

服釋之其妻曰嘻子毋讀書游說安得此辱乎張儀

謂其妻曰視吾舌尚在否其妻笑曰舌在也儀曰足

矣後終於秦相

蔡澤者燕人也游學于諸侯小大甚衆不遇而從唐

舉相

荀卿曰梁有唐舉

曰吾聞先生相李兌曰百日之內持

國秉政有之乎曰有之曰若臣者何如唐舉熟視而

笑曰先生曷鼻巨肩

徐廣曰曷一作偈傷一作抑巨一作渠

鵲鵲楚鷓

膝藥

藥兩膝曲也

吾聞聖人不相殆先生乎蔡澤知唐舉

戲之乃曰富貴吾所自有吾所不知者壽也願聞之

唐舉曰先生之壽從今以往者四十三歲蔡澤笑謝

而去謂其御者曰吾持梁刺齒肥

持梁作飯也刺齒二字當作齧又作

齒

躍馬疾驅懷黃金之印結紫綬于腰揖讓於人主

之前食肉富貴四十三年足矣後爲秦相

李斯者楚上蔡人也年少時爲郡小吏見吏舍廁中

鼠食不潔近人大數驚恐之斯入倉觀倉中鼠食積

粟居大廡之下不見人夫之憂於是李斯乃歎曰人之賢不肖譬如鼠矣在所自處耳乃從荀卿學帝王之術學已成度楚王不足事而六國皆弱無可為建功者欲西入秦辭於荀卿曰斯聞得時無怠今萬乘方爭時游者主事今秦王欲吞天下稱帝而治此布衣馳騫之時而游說者之秋也處卑賤之位而計不為者此禽鹿視肉人面而能彊行者耳故詬莫大於卑賤而悲莫深於窮困久處卑賤之位困苦之地非世而惡利自託於無為此非士之情也始皇時斯位至丞相

陳勝陽城人少時嘗與人傭耕輟耕之壟上悵悵久之曰苟富貴無相忘傭者笑而應曰若為傭耕何富貴也勝太息曰嗟乎燕雀安知鴻鵠志哉

漢陳平陽武戶牖人貧不事業一縣中盡笑其所為里中社平為宰主切割肉也分肉甚均里父老曰善陳孺

子之為宰平日嗟乎使平得宰天下亦如此肉後為丞相

韓信淮陰人家貧母死無以葬迺行營高燥地令傍可置萬家者言其有大志也後為淮陰侯

朱買臣字翁子吳人也嘗刈薪樵賣以給食擔束薪

行且讀書其妻亦負載相隨數止買臣無歌謳道中買臣愈益疾歌妻羞之求去買臣笑曰我年五十當貴今已四十餘矣苦女日久待我富貴報女功後爲會稽太守丞相長史

主父偃臨淄人也上疏言事遷謁者中郎中大夫大臣皆畏其口賂遺千金或說偃曰大橫偃曰臣結髮游學四十餘年身不得遂親不以爲子昆弟不收賓客棄我我阬日久矣丈夫生不五鼎死則五鼎烹耳後爲齊相誅

朱雲字游平陵人事蕭望之受論語皆能傳其業好個儻大節當世以是高之終於槐里令

趙克國字翁孫隴西人爲人沈勇有大畧好將帥之節而學兵法通知四夷事爲後將軍卒

段會宗字子松天水上邽人會宗爲人好大節矜功名位至左曹中郎將光祿大夫

終軍者濟南人也初從濟南當詣博士步入關關吏

予軍繻

繻帛邊也舊關出入皆以傳煩因裂繻頭合以爲符信也

軍問以此何爲

吏曰爲復傳

復返也謂返出關吏以爲傳

還當以合符軍曰丈夫

西游終不復傳還棄繻而去軍爲謁者使行郡國建節東出關關吏識之曰此使者迺前棄繻生也

班伯爲奉車都尉與王許子弟爲羣在於綺襦紈袴之間非其好也

翟方進字子威汝南上蔡人家世微賤年十二三失父孤學給事太守府爲小史號遲頓不及事數爲掾史所詈辱方進自傷迺從汝南蔡父相問已能所宜言從何術藝可以自達蔡父大奇其形貌謂曰小史有封侯骨

當以經術進努力爲諸生學問方進旣厭爲小史聞蔡父言心喜因病歸家辭其後母欲西至京師受經方進讀經博士受春秋積十餘年經學明習徒衆曰廣諸儒稱之以射策甲科爲郎

後漢耿弇少好學父況爲朔調連率弇常見郡尉試騎士建旗鼓隸馳射繇是好將帥之事後終建威大將軍

士霸世好文法父爲郡決曹掾霸亦少爲獄吏嘗慷慨不樂吏職其父奇之遣西學長安後終於上谷太守

馬援年十二而孤少有壯志諸兄奇之嘗受齊詩意不能守章句乃辭兄況欲就邊郡田牧況曰汝大才當晚成良工不示人以樸且從所好後爲秭波將軍封新息侯援曰方今匈奴烏桓尚擾北邊欲自請擊

之男兒要當死于邊野以馬革裹屍還葬耳何能卧
牀上在兒女子手中耶

馮衍字敬通幼有奇才二十而博通群書王莽時諸
公多薦舉之者衍辭不肯仕然有大志不戚戚於貧
賤居嘗慷慨歎曰衍少事名賢經歷顯位懷金乘紫
揭節奉使不求苟得嘗有凌雲之志三公之貴千金
之富不得其願不繫於懷貧而不哀賤而不憾年雖
疲曳猶庶幾名賢之風修道德於幽冥之路以終身
名爲後世法居貧年老卒于家衍官至司隸從事
鄧訓字平叔禹第六子也少有大志不好文學禹嘗

非之訓終於護羌校尉

郭丹從師長安買符入函谷關乃慨然歎曰丹不乘
使者車終不出關旣至京師嘗爲都講諸儒咸敬重
之大司馬嚴尤請丹辭病不就王莽又徵之遂與諸
生逃于北地更始一年三公舉丹賢能徵爲諫議大
夫持節使歸南陽安集受降丹去家十有二年果乘
高車出關如其志焉

梁竦安定人高山侯統子也竦言生長京師不樂本
士自負其才鬱鬱不得意嘗登高遠望歎息言曰大
丈夫居世生當封侯死當廟食如其不然閑居可以

養志詩書足以自娛州郡之職徒勞人耳後辟命交
至並無所就

梁慳有勇氣嘗慷慨好功名官至謁者

第五倫爲京兆督鑄錢掾每讀詔書嘗歎息曰此聖

主也一見決矣等輩笑之曰爾說郡將尚不下安能

勤萬乘乎

華嶠書曰蓋延代鮮于屠爲馮翊多非法倫數切諫延憾之故滯不得舉郡將謂郡

守倫曰未遇知己道不同故耳位至司空

班超爲人有大志不修細節然內孝謹居家嘗執勤

苦不恥勞辱與母隨至雒陽家貧嘗爲官傭書以供

養久勞苦嘗輟業投筆歎曰大丈夫無它志畧猶當

傳介子張騫立功異域以取封侯安能久事筆硯

間乎左右皆笑之超曰小子焉知壯士志哉後爲西

域都護封定遠侯

趙羣會稽山陰人也少嘗爲縣吏奉檄迎督郵羣恥

於廝役遂棄車馬去到犍爲資中

資中縣名今資州資陽縣詣杜

撫受韓詩究竟其術撫卒乃歸州召補從事不就

楊震嘗客居于湖不答州郡禮命數十年衆人謂之

晚慕而震志愈篤後位至太尉

徐淑交接英雄嘗有壯志舉茂才除渤海修令遷琅

琊都尉

趙溫爲京兆郡丞嘆曰大丈夫當雄飛安能雌伏遂
棄官去

盧植從馬融學終辭歸闔門教授性剛毅有大節嘗
懷濟世志後爲議郎

張奐少立志節嘗與士友言曰大丈夫處世當爲國
家立功邊境及爲將帥果有勳名爲度遼將軍轉太
嘗卒

馮良字君郎出於孤微少作縣吏年三十爲尉從佐
奉檄迎督郵卽路慨然耻在厮役因壞車殺馬毀裂
衣冠乃遁至犍爲從杜撫學

戴封年十五詣太學師事鄧令東海申君申君
喪到東海道當經其家父母以封當還豫爲娶妻
暫過拜親不宿而去還京師卒業後爲中山相徵拜
爲太嘗卒

郭泰字林宗家世貧賤早孤母欲使給事縣廷林宗
曰大丈夫安能處斗筲之役乎遂辭就成臯屈伯彥
學後以有道徵不就

符融少爲都官從事主察舉百官犯法者融恥爲其
吏而去後游太學師事少府李膺

范冉

冉或作丹

少爲縣小吏年十八奉檄迎督郵冉恥之

乃遁去游學後爲萊蕪長不到官卒

陳蕃年十五嘗閑處一室而庭宇蕪穢父友同郡薛勤來候之謂曰孺子何不洒掃以待賓客蕃曰大丈夫處世當掃除天下安事一室乎勤知其有清世志甚奇之位至太尉

逢萌家貧給事縣爲亭長時尉行過亭萌侯迎拜謁既而擲楯歎曰大丈夫安能爲人役哉遂去之長安學通春秋經後隱於勞山連徵不起卒

周黨家產千金少孤爲宗人所養而遇之不以禮及長又不還其財黨詣鄉縣訟主乃歸之既而散與宗

族悉免遣奴婢遂至長安游學建武中徵爲議郎以病去職

杜密字周甫潁川陽城人也爲人沈實少有厲俗志後爲太僕黨事既起免歸本郡

岑暉南陽棘陽人也雖在閭里慨然有董正天下之志後太守弘農成瑨請爲功曹

范滂少厲清節爲州里所服舉孝廉光祿四行時冀州飢荒盜賊羣起乃以滂爲清詔使案察之滂登車攬轡慨然有澄清天下之志

王允少好大節有志於立功嘗習誦經傳朝夕試馳

射三公竝辟以司徒高第爲侍御史

鄭玄年十一二隨母還家正臘會同列十數皆美服盛飾語言閑通玄猶漠然如不及母私督數之乃曰此非我志不在所願也後徵司農卿不就

魏夏侯稱字叔權征西將軍淵之子也自孺子而好令聚童兒爲之渠帥戲必爲軍旅戰陳之事有違者輒嚴以鞭笞衆莫敢逆淵陰奇之使讀項羽傳及兵書不肯曰能則自爲耳安能學人與文帝爲布衣之交平十八卒

婁圭字子伯少有猛志嘗歎息曰男兒居世會當得

將
萬兵千匹騎著後耳儕輩笑之後詣太祖以爲大

將
鄧艾少時每見高山大澤輒規度指畫軍營處所時人多笑焉後位至征西將軍

留贊字正明會稽長山人爲郡吏與黃巾賊帥吳桓戰手斬得桓贊一足被創遂屈不伸然性烈好讀兵書及三史每覽古良將戰攻之勢輒對書獨歎因呼諸近親謂曰今天下擾亂英豪竝起歷觀前世富貴非有恆人而我屈躓在閭巷之間存亡無以異今欲割引吾足幸不死而足伸幾復見用死則已矣親戚

皆難之有間贊乃以刀自割其筋血流滂沲氣絕良久家人驚怖亦以旣爾遂引伸其足足伸創愈以得蹉步凌統聞之請與相見甚奇之乃表薦贊遂被試
賈達字梁道自爲兒童戲弄嘗設部伍祖父習異之日汝大必爲將率口授兵法數萬言終於豫州刺史黃朗字文達沛郡人也爲人弘通有性實父爲本縣平朗感其如此抗志游學繇是爲方國及其郡士大夫所禮特異

裴潛少時不爲父所知又自感所生微賤無舅氏又爲父所不禮卽折節仕進雖多所更歷清省恪然後爲光祿大夫卒

蜀姜維字伯約天水冀人也少孤與母居好鄭氏學爲人好立功名陰養死士不修布衣之業後爲大將軍

吳呂蒙字子明汝南富陂人也少南渡依姊夫鄧當當爲孫策將數討山越蒙年十五六竊隨當擊賊當顧見大驚呵叱不能禁止歸以告蒙母母恚欲罰之蒙曰貧賤難可居脫誤有功富貴可致且不孫處穴安得虎子母哀而舍之後爲南郡太守

黃蓋少孤嬰丁凶難辛苦備嘗然有壯志雖處貧賤不自同於凡庸嘗以負薪餘閑學書疏講兵事後為偏將軍

潘璋東郡人性博蕩居貧好賒酤債家至輒言後豪富相還後為右將軍

張奮昭之弟也年二十造作攻城大攻車為步騭所薦昭不願曰汝年尚幼何為自委於軍旅乎奮對曰昔童汪死難子奇治阿奮實不才耳於年不為少也遂領兵馬將軍連有功效至平州都督封樂鄉亭侯晉杜預字元凱京兆杜陵人也祖畿魏尚書僕射父

想幽州刺史預博學多通明於興廢之道嘗言德不可以企及立言可庶幾也後為鎮南大將軍都督荊州諸軍事

王濬愜廓有大志嘗起宅開門前路廣四十步人或謂之何太過濬曰吾欲使客長戟幡衆咸笑之濬曰陳勝有言燕雀安知鴻鵠之志後為撫軍大將軍劉卞字叔龍東平須昌人也本兵家子質直少言少為縣小吏功曹夜醉如廁使卞執燭不從功曹銜之以他事補亭子卞後從令至雒得入太學試經為臺四品吏訪問令寫黃紙一鹿車卞曰劉卞非為人寫

黃紙者也訪問知怒言於中正退爲尚書令史或謂
卞曰君才簡畧堪大不堪小不如作守行守
舍人卞
之義
從其言後爲吏部令史遷齊王攸司空主簿
魏舒字陽元任城樊人也少孤爲外家甯氏所養甯
氏起宅相宅者云當出貴甥外祖母以盛氏甥小而
慧意謂應之舒曰當爲外祖成此宅相久乃別居年
四十餘郡上計掾察孝廉宗黨以舒無學業勸令不
就可以爲高耳舒曰若試而不中其負在我安可虛
竊不就之高以爲已榮乎於是自課百日習一經因
而對策升第除灑池長

趙至字景真代郡人也寓居雒陽緱氏令初到官
年十三與母同觀母曰汝先世本非微賤世亂流離
遂爲士伍耳爾後能如此不至感母言詣師受業聞
父耕叱牛聲投書而泣師怪問之至曰我小未能榮
養使老父不免勤苦師甚異之年十四遊太學後占
籍遼西舉郡計吏到雒與父相遇時母已亡父欲令
其宦隱弗之告仍戒以不歸至乃還遼西幽州三辟
部從事斷九獄見稱精密太康中以良吏赴雒知母
亡初至自恥士伍欲以官學立名期於榮養旣而其
志不就號憤慟哭嘔血而卒

左思少學鍾胡書及鼓琴竝不成父雍謂友人曰思
曉解不及我少時思遂感激勤學兼善陰陽之術貌
寢口訥而詞藻壯麗不好交游惟以閑居爲事思嘗
爲秘書郎

陳頽字延思陳國苦人也少好學有文義父訢立宅
起門頽曰當使容馬車訢笑而從之後州辟部從事
乘馬車還家宗黨榮之

李矩字世廻平陽人也童亂時與羣兒聚戲便爲其
率計畫指授有成人之量後終於征西將軍司州刺
史

易雄字興長長沙瀏陽人也少爲縣吏自念卑賤無
繇自達乃脫幘挂縣門而去因習律令及施行故事
交結豪右州里稍稱之後爲春陵令

丁紹爲冀州刺史自以爲才足爲物雄當官蒞政每
事克舉視天下之事若運於掌握遂慨然有董正四
海之志矣是時王浚盛於幽州荀晞盛於青州然紹
視二人蔑如也永嘉三年暴疾而卒臨終嘆曰此乃
天亡冀州豈吾命哉

閻纘不護細行而慷慨多大節後終於漢中太守
劉琨少負志氣有縱橫之才善交勝已頗浮誇與范

陽祖逃爲友聞逃被用與親故書曰吾枕戈待旦志
梟逆虜嘗恐祖生先吾着鞭其意氣相期如此後爲
幽州刺史

王恭字伯孝光祿大夫蘊子定皇后之兄也少有美
譽清操過人自負才地高華嘗有宰輔之望讀左傳
至奉王命討不庭每輟卷而歎起家爲著作郎歎曰
仕宦不爲宰相才志何足以騁因以疾辭後爲輔國
將軍

劉殷性至孝時人嘉其至性通感競以穀帛遺之殷
受而不謝直云待後貴當相酌耳性惆悵有濟世之
志儉而不陋清而不介望之頽然而不可侵也鄉黨
親族莫不稱之後仕劉聰至太保

夏統字仲御會稽永興人也幼孤貧養親以孝聞睦
於兄弟每採稻求食星行夜歸或至海邊拘蠓蠅以
資養雅善談論宗族勸之仕謂之曰卿清亮質直可
作郡綱紀與府朝接自當顯至如何其辛苦於山林
畢性命於海濱也統淳然作色曰諸君待我乃至此
乎使統屬太平之時當與元凱評議出處遇濁代念
與屈生同污共泥若污隆之間自當耦耕沮溺豈有
辱身曲意於郡府之間乎聞君之談不覺寒毛盡戴

白汗四匝顏如渥丹心熱如炭舌縮口張兩耳壁塞
也言者大慙

祖逖與劉琨俱爲司州主簿情好綢繆共被同寢中
夜聞荒雞鳴琨覺曰此非惡聲也因起舞逖琨竝
有英氣每語世事或中宵起坐相謂曰若四海鼎沸
豪傑竝起吾與足下當相避於中原耳琅琊王拓定
江南未遑北伐乃以逃爲奮威將軍豫州刺史逖渡
江中流擊楫而誓曰祖逖不能清中原而復濟者有
如大江辭色壯烈衆皆慨嘆

王導從元帝鎮建康過江人士每至暇日相要出新
亭飲宴周顛中坐而歎曰風景不殊舉目有江河之
異皆相視流涕惟導愀然變色曰當戮力王室克復
神州何至作楚囚相對泣邪衆収泪而謝之導位至
宰相

陶侃嘗語人曰大禹聖者乃惜寸陰至於衆人當惜
分陰豈可逸遊荒醉生無益於時死無聞於後是自
棄也後爲廣州刺史在州無事輒朝運百甓於齋外
暮運於齋內人問其故答曰吾方致力中原過爾優
逸恐不堪事其勵志勤力皆此類也

谷儉桂陽人中興初以學較陵遲特聽不試孝廉而

秀才依舊策試其卓爲湘州刺史備禮舉儉爲秀才
儉辭不獲命州厚禮遣之諸州秀才聞當考試皆憚
不行惟儉一人到臺遂不復策試儉恥其州少士乃
表求試以高第除中郎儉少有志行寒苦自立博涉
經史于時南土凋荒經籍道息儉不能遠求師友惟
在家研精雖所得實浮未有名譽又恥術耀取達遂
歸終身不仕卒於家

孔安國羣從諸兄並乏才名以富強自立惟安國與
兄汪少厲孤貧之操汪旣以直亮稱安國亦以儒素
顯後歷尚書左右僕射卒

劉毅字希樂少有大志不修家人產業後爲勳將軍
荊州刺史

魏詠之生而兔缺年十八聞荊州刺史殷仲堪帳下
有名醫能療之貧無行裝謂家人曰殘醜如此用活
何爲遂齋數斛米西上以投仲堪旣至造門自通仲
堪與語嘉其盛意召醫視之醫曰可割而補之但須
百日進粥不得語笑詠之曰半生不語而有半生亦
當療之况百日邪仲堪於是處之別室令醫善療之
詠之遂閉口不言惟食薄粥其厲志如此及差仲堪
厚資遣之後爲荊州刺史

前趙劉宣師事樂安孫炎學成而返不出門閭蓋數年每讀漢書至蕭何鄧禹傳未嘗不反覆詠之曰大丈夫若遭二祖終不令兩公獨擅美於是矣晉武時爲右部都尉

前秦王猛字景畧隱於華陰山懷佐世之志希龍顏之主歛翼待時候風雲而後動後爲符堅丞相

宋蒯恩蘭陵人高祖征孫恩縣差恩爲征民使伐馬芻恩嘗負大束兼倍餘人每捨芻於地歎曰大丈夫彎弓三石奈何充馬士高祖聞之卽給器仗恩大喜自征妖賊嘗爲先登後爲世子司馬

弘之少儻有大志爲本州主簿舉秀才不行劉鍾字世之彭城人也少孤依鄉人中山太守劉廼共居幼有志力嘗慷慨於貧賤後從高祖征伐爲右衛將軍

垣護之少儻不拘小節形狀短陋而氣幹強果從高祖征司馬休之爲世子中軍府長史兼行參軍王鎮惡年十三而苻氏敗亡關中擾亂流寓殺暉之間嘗寄食灑池人李方家方善遇之謂方曰若遭遇英雄主要取萬戶侯當厚相報方答曰君丞相孫人才如此何慮不富貴至時願見用爲本縣令足矣鎮

惡終於安西將軍

劉湛弱年便有宰世志嘗自比管夷吾諸葛亮不爲文章不喜談議本州辟主簿不就除著作佐郎又不拜後位至丹陽太守

宗慤字元幹南陽人也叔父炳高尚不仕慤方少時炳問其志慤曰願乘長風破萬里浪炳曰汝不富貴卽破我家矣後爲雍州都督

沈攸之慶之從子也攸之初詣領軍將軍劉遵考求補白丁隊主遵考以爲形陋不堪攸之歎曰昔孟嘗君身長六尺爲齊相今求士取肥大者哉因隨慶之

征討後爲荊州刺史

曹景宗新野人頗受史書每讀穰苴樂毅傳輒放卷歎息曰大丈夫當如是

南齊垣榮祖少學騎馬及射或謂之曰武事可畏何不學書榮祖曰昔曹操曹丕上馬橫梁下馬談論此於天下可不負飲食矣君輩無自全之伎何異犬羊乎榮祖在淮陰見太祖自比韓信白起咸不信惟帝獨許之後爲兗州大中正

李安民少有大志嘗歎曰大丈夫處世富貴不可希取三將五較何難之有太祖時位至中郎領軍封康

樂侯

王敬則臨淮射陽人也性倜儻不羈好刀劍嘗與暨陽吏鬪謂曰我若得暨陽縣當鞭汝小吏背吏唾其面曰汝得暨陽縣我亦得司徒公矣敬則後自直閭將軍補暨陽令昔日鬪吏亡叛令出遇之甚厚曰我已得暨陽縣汝何時得司徒公邪

樊遜字孝謙河東北猗氏人也遜少學嘗爲兄仲所優饒既而自責曰名爲人弟獨受安逸可不愧於心乎欲同勤事業母馮氏謂之曰汝欲謹小行邪遜感母言遂專心典籍嘗書壁作見賢思齊四字以自勸

勉後寓居鄴中爲臨漳小吏縣令裴鑑擢爲

王儉少時便有宰臣之志賦詩云稷契贊虞夏伊呂翼商周及生子字曰玄成取世仍作相之義後爲衛將軍尚書令

梁吉士瞻字梁客馮翊蓮勺人也少有志氣不事生業時徵士吳苞見其姿容勸以經學士瞻因誦鮑昭詩云豎儒守一經不足識行藏拂衣不顧後爲西陽武昌二郡太守

馮道根廣平人本郡召爲主簿不就曰吾當使封侯廟食安能爲儒吏邪後爲左右上將軍封侯

裴之橫字如岳之高第十三弟也少好賓游重氣俠不事產業之高以其縱誕乃爲狹被蔬食以激厲之之橫歎曰大丈夫富貴必作百幅被遂與僮屬數百人於芍陂大營田墅俄致殷積簡文在東宮聞而要之以爲河東王嘗侍

陳吳明徹微涉書史天文狐虛畧通其妙頗以英雄自許高祖深奇之高祖受禪拜安南將軍

周文育本姓項氏年十一歲義興人周奮義爲己子命兄子弘讓教之書計弘讓善隸書寫蔡邕勸學及占詩以遺文育不之省也謂弘讓曰豈能學此取富

貴祗有丈槩耳弘讓壯之教騎射文育大悅後爲鎮南將軍

魯廣達字遍覽吳州刺史悉達之弟也少慷慨志立功名位至中領軍

後魏崔亮父元孫爲沈文秀所害亮時年十歲嘗依季父幼孫居家貧傭書自業時隴西李冲當朝任事亮從兄光往依之謂亮曰安能久事筆硯而不往託李氏也彼家僥書因可得學亮曰弟妹飢寒豈可獨飽自可觀書於市安能看人眉睫

宋繇燉煌人繇生而父僚爲張邕所誅繇少有志尚

喟然謂妹夫張彥曰門戶傾覆負荷在孫不能銜膽
自厲何以繼承先業遂隨彥至酒泉追師就學閉室
誦書晝夜不倦博通經史諸子羣言靡不綜覽後終
於安遠將軍

李曾趙郡人也郡辟功曹不就門人勸之曾曰功曹
之職雖是鄉選高第猶是郡吏耳北百事人亦何容
易後終於趙郡太守

李瑒儼有大志好飲酒篤於親知每謂弟郁曰士
大夫學問稽博古今而罷何用專經爲老博士也後
爲鎮遠將軍岐州刺史

楊侃字士業播之子也頗愛琴書尤好計畫時播一
門貴蒲朝廷兒姪早通而侃獨不交游公卿罕有識
者親朋勸其出仕侃曰苟有良田何憂晚歲但恨無
才具耳後終於右光祿大夫

王肅少而聰辯涉獵經史頗有大志位至揚州刺史
傳永年二十餘有友人與之書而不能答請於叔父
洪仲洪仲深讓之而不爲報永乃發憤讀書涉獵經
史兼有才華後位至光祿大夫

李苗少有節操志尙功名每讀蜀書見魏延請出長
安諸葛不許嘗歎息謂亮無奇計及覽周瑜傳未嘗

不咨嗟絕倒後終冠軍將軍

夏侯道遷譙國人少有志操年十七父母為結婚韋

氏道遷云欲懷四方之志不願取婦家人咸謂戲言

及至婚日求覓不知所在於後訪問乃云逃入益州

後為瀛州刺史卒

李業興上黨長子人少耿介志學精力雖在貧賤嘗

自矜負若禮待不足縱於權貴不為之屈後終於齊

文襄王中外府諮議參軍

庫狄昌字恃德神武人也少便騎射有膂力膽氣壯

烈每以將帥自許

北齊高昂幼稚時便有壯氣長而惆儻父翼為求嚴

師令捶撻昂不遵師訓專事馳騁每言男兒當橫行

天下自取富貴誰能端坐讀書作老博士也後位至

司徒公

趙彥深年三歲母傅氏便孀居彥深五歲傅謂之日

家貧兒小何以然濟彥深泣而言日若天哀矜兒大

當仰報傳感其意封之流涕及彥深拜太嘗卿還母

子相泣久之

魏收年十五頗已屬文及隨父赴邊好習騎射欲以

武藝自達榮陽鄭伯調之日魏郎并戟多少收慙遂

折節讀書以文章顯後為尚書右僕射

後周孟信廣川索盧人也家世貧寒頗傳學業信嘗

曰窮則變變則通吾家世傳儒學而未有通官當錄

儒非世務也遂感激棄書從軍

薛澄字景猷河東汾陰人也曾祖弘敞值黑連之亂

率宗人避地襄陽澄早喪父家貧躬耕以養祖母有

暇則覽文籍時人未之奇也江表取人多以世族澄

既羈旅不被擢用然負才使氣未嘗趣世祿之門左

中郎將京兆韋潛度謂澄曰君門地非下身材不劣

何不繫裾數參吏部澄曰世胄躡高位英俊沉下僚

古人以為歎息竊所未能也潛度告人曰此年少極

慷慨但不遭時耳與族祖安都之子懷雋相善懷雋

每曰汝還鄉里不營產業不肯取妻豐復欲南乎澄

以恬然自處不改其舊後為安東將軍

劉璠初仕梁為王國嘗侍非其好也璠少慷慨好功

名志欲立事邊城不樂隨牒平進會宜豐侯蕭循出

為北徐州刺史即請為經車府主簿兼記室參軍後

為華陽太守屬侯景渡江梁室大亂循以璠有才畧

甚親委之時寇難繁興未有所定璠乃喟然賦詩以

見志其末章曰隨會平王室夷吾成霸功虛薄無時

用徒然慕昔風太祖時為黃門侍郎儀同三司
宇文貴從師受學嘗輟書歎曰男兒當提劍汗馬
以取公侯何能如先生為博士也後為大將軍

王勵字醜與性忠果有才幹年十七從太祖嘗謂之
曰為將坐見成敗者上也被堅執銳者次也勵曰意
欲兼之太祖大笑後為千牛備身直長

李弼字景和遼東襄平人少有大志膂力過人屬魏
室兵亂語所親曰丈夫生世會須履鋒刃平寇難安
社稷以取功名安能碌碌依階資以求榮位後以戰
功為柱國大將軍終於太師

楊寬少有大志每與諸童游處必擇高大之物而坐
之見者咸異焉後終於梁州刺史

李遠字萬歲幼有器局志度恢然嘗與羣兒為戰鬥
之戲指麾部分便有軍陣之法郡守見而異之召使
更戲羣兒懼而散走遠持杖叱之復為向勢意氣雄
壯殆甚於前郡守曰此小兒所為非恒人也及長涉
獵書傳略知指趣而已官至柱國大將軍

蔡佑高平人少有大志與鄉人李穆布衣齊名嘗謂
曰大丈夫當建立功名以取富貴安能久處貧賤邪
言訖各大笑後皆如其言位至宜州刺史

宇文深字奴于性鯁正有器局年數歲便累石為營
伍并折草作旌旗布置行列皆有軍陣之勢父求遇
見之乃大笑曰汝自然如此於後必為名將後終於
司命中大夫

侯植其先家北地之三水為州郡冠族植少儻有
大節容貌奇偉武藝絕倫後為司倉下大夫

隋宇文慶字神慶沈深有器局少有聰敏見知周初
受業東觀頗涉經史既而謂人曰書足記姓名而已
安能久事筆硯為腐儒之業後終於源州總管

王誼字宜君河南雒陽人也父顯周鳳州刺史誼少
慷慨有大志便弓馬遍覽羣言周閔帝時為左中侍

上士

于仲文父實仕周周六左輔仲文儻有大志氣調
英按當時號為名公子起家為趙王屬

宇文忻字仲樂本朔方人徙京兆祖莫豆干魏安平
公父貴周大司馬許國公忻幼而敏慧為童兒時與
羣輩遊戲輒為部伍進止行列無不用命有識者見
而異之年十二能左右馳射驍捷若飛嘗謂所親曰

自古名將惟以韓白衛霍為美談吾察其行事未足
多尚若使與僕並時不令豎子獨擅高名也其少小

慷慨如此後爲右領大將軍

崔廓字士玄博令安平人也少孤貧而母賤繇是不爲邦族所齒初爲里佐屢逢屈辱於是感激逃入山
山途博覽典籍多所通涉山東學者皆宗之既還鄉
里不應辟命

王頰好讀書又曉兵法益有縱橫之志每嘆不逢時
嘗以公相自許後爲王諒府諮議參軍

張定和字處謚京兆萬年人也少貧賤有志節初爲
待官會平陳之役定和當從征無以自給其妻有緣
時衣服定和將鬻之妻斬固不與定和於是遂行以
功拜儀同賜帛千匹遂棄其妻

沈光少驍捷大業中煬帝徵天下驍果之士以伐遼
左光預焉同類數萬人皆出其下光將詣行在所賓
客送至灞上者百餘騎光酌酒而誓曰是行也若不
能建功立名當死於高麗不復與諸君相見矣後爲
折衝郎將

元巖字君山好讀書不治章句剛鯁有器局以名節
自許高祖受禪拜兵部尚書進爵平昌郡公

來護兒幼而卓犖初讀詩至擊鼓其鏜勇躍用兵羔
裘豹飾孔武有方因捨書歎曰大丈夫在世當如是

會為國滅賊以取功名安能區區專事筆硯也羣輩驚其言而壯其志及長雄畧秀出志氣英遠涉獵書史不為章句學後位至開府儀同三司

若房玄齡幼仕隋為隰城縣尉坐事除名鬱鬱不自得時天下方亂嘗慨然有安王濟時之志後位至司空

空

李靖涉獵書傳不為章句之學嘗云大丈夫若遇明君撥亂膺期當立功立事以取富貴耳後終於左僕

射

竇威家世勳貴耽翫文史時諸兄並以軍功致仕通

顯交結豪貴賓客盈門而成職掌閑散諸兄更謂威

曰昔孔丘積學成聖猶狼狽當時棲遑若此汝效此道復欲何求名位不達固其宜矣威笑而不答後終於內史令

魏徵字玄成鉅鹿曲城人也少孤貧落拓有大志不事生業好讀書多所通涉見天下漸亂尤屬意縱橫之說後為太子太師知門下省事

武士夔太原人才器許敏少有大節及長深沈多大畧每讀書見扶立忠之事未嘗不三復研尋嘗以

慷慨揚名為志後終荊州都督

冊府元龜 總錄部

馬周字賓王少孤貧好讀書尤明詩傳而落拓不事
生產不爲州里所敬武德中補博州助教日飲醇酒
不以講授爲心刺史達奚恕屢加咎責乃拂衣游於
曹汴之境復爲浚儀令崔賢首所辱周遂感激西游
長安至新豐宿於逆旅主人惟供設諸商販而不顧
周遂命酒一斗八升悠然獨酌主人翁深異之後爲
中書令兼太子右庶子

狄仁傑字懷英并州太原人也兒童時門人有被害
者縣吏就詰之衆皆接對惟仁傑堅坐讀書吏責之
仁傑曰黃卷之中聖賢備在猶不能接對何暇偶俗
吏而見責邪後終於內史

褚無量杭州鹽官人也幼孤貧勵志好學家近臨平
湖中有龍鬪傾里聞就觀之無量時年十三讀書晏
然不動後爲左散騎嘗侍皇太子侍讀

哥舒翰個儻任俠好然諾年四十遭父喪客居西京
爲長安尉不禮慨然發憤折節仗劍之河西後位至
尚書左僕射同平章事

崔圓少孤貧志尚闊博好讀兵書有經濟宇宙之心
後至黃門侍郎平章事

馬璘扶風人璘少孤落拓年二十因讀馬援傳至大

丈夫當死於邊野慨然嘆曰豈使吾祖勳業墜於地乎乃仗劍從戎西至安西以奇功累遷左金吾衛員外將軍

馬燧少嘗與諸兄讀書乃輟卷嘆曰天下將有事矣丈夫當立功伐以濟四海安矻矻為一儒也後位司徒兼侍中北平王

張建封兖州人頗愛屬文以立功名為已任後終於徐州節度使

李德裕幼有壯志苦心力學尤精西漢書左氏春秋恥與諸生從鄉賦不喜科試年纔及冠志業人成後位至太尉平章事

張仲武范陽人也少業左氏春秋擲筆為薊北雄武軍使

梁趙犇髻齒之時與隣里小兒戲於道左嘗分布行列為部伍戰陣之狀自為董帥指顧有節如夙習焉羣兒皆稟而從之無敢亂其行者其父目而異之曰吾家千里駒也必大吾門耳弱冠有壯節好功名後為忠武軍節度使

後唐袁象先性寬厚不忤於物幼遇亂慨然有憂時之意後為歸德軍節度使

晉李專美舊學爲文以父樞唐昭宗時嘗應進士舉
爲覆試所落不許再入專美心愧之錄是不遊文場
後終於大理卿

桑維翰字國僑維陽人也父珙事河南尹張全義爲
客將維翰身短面廣殆非恒人既壯每對鑑自歎曰
七尺之身安如一尺之面錄是慨然有公輔之望後
位至中書令

冊府元龜

冊府元龜

淮南李嗣京叅閱

西極文翔鳳訂正

豫章黃國琦較釋

總錄部 七百七十三

幼敏

書曰惟人萬物之靈若夫幼而慧少而成者益可貴
矣中古而下英妙間出乃有特稟異資迥越倫萃岐
嶷兆於襁褓穎悟發於齠齡學疑宿習動彰默識或
未就外傳已通羣籍甫及志學卽爲人師識洞於未

萌智表於先見心計足以成務口辯足以解紛老成
之姿著於容止賦筆之麗成於俄頃至行出於天性
玄譚絕於流俗時輩推尚英聲騰鶩斯仲尼所謂生
知之者歟

后稷名棄爲兒時屹如巨人之志其遊戲種樹麻菽
麥及成人遂好耕農相地之宜宜穀者稼穡焉民皆
法則之帝堯聞之舉棄爲農師

楚薦賈爲大夫楚子將圍宋使子文治兵於睽終朝
而畢不戮一人子玉復治兵於蔿終日而畢鞭七人
貫三人耳國老皆賀子文子文飲之酒賈尙幼後至

不賀子文問之對曰不知所賀子之傳政於子玉曰
以靖國也靖諸內而敗諸外所獲幾何子王之敗子
之舉也舉以敗國將何賀焉且子玉剛而無禮不可
以治民過三百乘其不能以入矣苟入而賀何後之

有子玉果敗於城濮

周王孫蒲尙幼秦師過周北門左右免胄而下超乘
者三百人王孫蒲觀之言於王曰秦師輕而無禮必

敗

謂過天子門不卷甲束兵超乘示勇

輕則寡謀無禮則脫

脫易也

入險

而脫又不能謀能無敗乎

晉果敗秦師于穀獲秦三帥以歸

范匄晉大夫也士燮之子

士燮范文子也

晉楚遇於鄢陵楚

晨壓晉軍而陳軍吏患之旬趨進曰塞井夷竈陳於
軍中而疏行首疏行首者當陳前決晉楚惟天所授

何患焉文子執戈逐之曰國之存亡天也童子何知

焉

國僑字子產鄭大夫也魯襄公八年其父子國與子

耳侵蔡獲蔡司馬公子燮鄭人皆喜子產不順子產不順

衆而喜曰小國無文德而有武功禍莫大焉楚人來討

能勿從乎從之晉師必至晉楚伐鄭自今鄭國不四

五年弗得寧矣子國怒之曰爾何知國有大命而有

正卿童子言焉將為戮矣是秋楚子囊伐鄭討其侵

蔡鄭及楚平九年十月晉帥諸侯伐鄭鄭人恐乃行

成十一月楚子伐鄭鄭及楚平十年九月晉帥諸侯

伐鄭鄭及晉平楚救鄭鄭與楚人盟十一年晉伐鄭

自是鄭遂服

衛公孫彌牟字子之衛大夫也初魯哀公十二年秋

衛侯會吳吳人藩衛侯之舍既歸效夷言子之尚幼

曰君必不免其死於夷乎執焉而又說其言從之固

矣出公輒後卒死於越

孔子為兒嬉戲嘗陳俎豆設禮容

閭丘印齊人年十八道遮齊宣王曰家貧親老願得

小仕宣王曰子年尚稚未可也閻丘印對曰不然臣聞昔有顓頊行年十二而治天下秦項橐七歲爲聖人師繇此觀之印不肖年不稚矣宣王曰未有咫角驂駒而能服重致遠者也繇此觀之夫士亦華髮墮顛而後可用耳閻丘印曰不然夫尺有所短寸有所長驂騶駃騠天下之俊馬也使之與狸馳試之於塗竈之間其疾未及能過狸馳也黃鶴白鶴一舉千里使之與燕服翼試於堂廡之下廬室之間其便未必能過燕服翼也辟闢巨闕天下之利劍也擊石不缺刺石不銖使之與管橐決耳出昧其便未必能過管

橐也繇此觀之華髮墮顛與印何以異哉宣王曰善子有善言則何見寡人之晚也印對曰夫雞豚謹噉卽奪鐘鼓音雲霧充咽則奪日月明讒人在側是以見晚也詩曰聽言則對譖言則退庸得進乎宣王拊軾曰寡人有過遂載與之俱歸而用焉

田文齊人號孟嘗君靖郭君嬰之子也嬰有子四十餘人文母其賤妾也文以五月五日生嬰告其母曰勿舉也其母竊舉生之及長其母因兄弟而見其子文於嬰嬰怒其母曰吾令若去此子而敢生之何也文頓首因曰君所以不舉五月子者何故嬰曰五月

子者長與戶齊特不利其父母文曰人生受命於天
乎將受命於戶邪嬰默然文曰必受命於天君何憂
焉必受命於戶則可高其戶耳誰能至者嬰曰子休
矣

其羅者其茂之孫年十二事秦相文信侯呂不韋爲
舍人秦始皇帝使剛成君蔡澤於燕三年而燕王喜
使太子丹入質於秦秦使張唐往相燕欲與燕共伐
趙以廣河間之地張唐謂文信侯曰臣嘗爲秦昭王
伐趙趙怨臣曰得唐者與百里之地今之燕必經趙
臣不可以行文信侯不快未有以強也其羅曰君侯

何不快之甚也文信侯曰吾令剛成君蔡澤事燕三
年燕太子丹已入質矣吾自請張卿相燕而不肯行
其羅曰臣請行之文信侯叱曰去我身自請之而不
肯汝焉能行之其羅曰夫頭蒙生七歲爲孔子師今
臣生十二歲於茲矣君其試臣何遠叱乎於是其羅
見張卿曰卿之功孰與武安君卿曰武安君南挫強
楚北威燕趙戰勝攻取破城墮邑不知其數臣之功
不如也其羅曰應侯之用於秦也孰與文信侯專張
卿曰應侯不如文信侯專其羅曰卿明知其不如文
信侯專與曰知之其羅曰應侯欲攻趙武安君難之

去咸陽七里而立死於杜郵今文信侯自請卿相燕
而不肯行臣不知卿所死處矣張唐曰請因孺子行
令裝治行行有日其羅謂文信侯曰借臣車五乘請
爲張唐先報趙文信侯及入言之於始皇曰昔其茂
之孫其羅年少耳然名家之子孫諸侯皆聞之今者
張唐欲稱疾不肯行其羅說而行之今願先報趙請
許遣之始皇召見使其羅於趙趙襄王郊迎其羅其
羅說趙王曰王聞燕太子丹入質秦歟曰聞之曰聞
張唐相燕歟曰聞之曰燕太子丹入秦者燕不欺秦
也張唐相燕者秦不欺燕也燕秦不相欺者伐趙危
也燕秦不相欺無異故欲攻趙而廣河間王不如齊
臣五城以廣河間請歸燕太子與強趙攻弱燕趙王
立自割五城以廣河間秦歸燕太子丹趙攻燕得上
谷三十城令秦有十一其羅還報秦乃封其羅爲上
卿復以始其茂田宅賜之

漢外黃令舍人兒

史失其姓名

年十三時項羽擊陳留外

黃不下數日降羽悉令男子年十五以上詣城東欲

院之舍人兒

今之舍人兒也狂說羽曰彭越強劫外黃恐故

且降待大王大王又皆院之百姓豈有所歸心哉從
此以東梁地十餘城皆恐莫肯下矣羽然其言乃赦

外黃當阮者而東至睢陽聞之皆爭下

張辟疆留侯之子也呂太后哭惠帝而泣不下泣謂

辟疆為侍中年十五謂丞相陳平曰太后獨有帝今

哭而不悲君知其解未解謂解陳平曰何解辟疆曰

帝無壯子太后畏君等今請拜呂台呂產為將將兵

居南北軍及諸呂官居中用事如此則太后心安君

等幸脫禍矣脫免也丞相如辟疆計請之太后說其哭

迺哀

賈誼雒陽人年十八能誦詩書屬文稱於郡中後為

長沙主簿

張湯杜陵人父為長安丞出湯為兒守舍還鼠盜肉

父怒笞湯湯掘熏得鼠及餘肉劾鼠掠治傳爰書訊

鞠論報傳謂傳逮追送若今之追逆赴對也爰換也

以文書代換其口辭也訊考問也鞠窮也謂鞠論報

考問之也論報謂鞠論報上論之而獲報也并取鼠與肉具獄磔堂下父見之

視文辭如老獄吏大驚遂使書獄後為御史大夫

終軍少好學以辯博能屬文聞於郡中年十八選為

博士弟子至府受遣太守問其有異材召見軍甚奇

之與交結軍揖大守而去後軍死世謂之終

桑弘羊武帝時以心計年十三為侍中

張禹為兒數隨父至市喜觀於卜相者前久之頗曉

其別著布卦意時從旁言卜者愛之又奇其面貌謂
禹父曰是兒多知可令學經後位特進封安昌侯
童烏楊雄子也雄嘗曰吾家之童烏九齡而與我論
玄
後漢鄧禹字仲華南陽新野人年十三能誦詩受業
長安時光武亦遊學京師禹年雖幼而見帝知非嘗
人遂相親附後位至太傅

魯恭父爲葑陵太守卒官時恭年十二弟丕年七歲
晝夜號踊不絕聲郡中賻贈無所受乃歸服喪禮過
成人鄉里奇之恭年十五與丕居太學兄弟俱爲諸
儒所稱學士爭歸之後爲司徒

張堪年十六受業長安志美行厲諸儒號曰聖童光
武徵時見堪志操嘗嘉焉官至漁陽太守

馮衍幼有奇才年九歲能誦詩書至二十而博通羣
書後爲司隸從事以文過其實廢於家

杜安年十歲名稱鄉里至十五入太學號曰神童
朱勃年十二能講詩書嘗候馬援兄况勃衣方領能
矩步辭言嫺雅卒爲雲陽令

馬客卿援子也幼而岐嶷年六歲能應接諸公專對
賓客嘗有死罪亡命者來過客卿逃匿不令人知外

若訥而沈敏援甚奇之以爲將相器故以客卿字焉
及援卒客卿亦天破

周防年十六仕郡小吏光武巡狩汝南召掾吏試經
防尤能誦讀拜爲守丞

任延年十二爲諸生學於長安明詩易春秋顯名太
學學中號爲任聖童後爲河南太守卒

丁鴻年十三從桓榮受歐陽尚書三年而明章句善
論難爲都講官至司徒

范升少孤依外家居九歲通論語孝經
班固年九歲能屬文誦詩賦後爲聊城令坐事免

吳祐字季英陳留長垣人父恢爲南海太守祐年十

二隨從到官恢欲殺青簡以寫經書青者以火炙簡

書復不蠹謂之殺青亦謂之汗簡祐諫曰今大人踰越五嶺遠在海

濱其俗誠陋然舊多珍怪上爲國家所疑下爲權戚
所望此書若成則載之兼兩昔馬援以薏苡興謗王

陽以衣囊徼名嫌疑之間誠先賢所慎也恢乃止撫

其首曰吳氏世不乏季子矣季子謂季札也後爲大將軍梁

冀長史

張霸年數歲而知孝讓雖出入飲食自然合禮鄉人

稱爲張魯子七歲通春秋復欲進餘經父母曰汝小

未能也霸曰我饒爲之故字曰伯饒後四遷爲侍中卒

楊終年十三蜀郡人爲郡小吏太守奇其才遣詣京

師受業習春秋

一云蜀郡有雷震洪曹終上白以爲斷獄煩苛所致太守乃令終賦雷電

之意而奇之後爲郎中卒

揚厚母與前妻子不相安厚年九歲思令和親乃託疾不言不食母知其指瞿然改意恩養加篤徵拜議郎三遷至侍郎

虞翊字升卿陳國武平人也十二能通尚書後辟太尉府旋遷郎中至尚書令

謝廉汝南人與河南趙建章年始十二各能通經尚書左雄並奏拜童子郎於是負書來學雲集京師知名太學

崔駟年十三能通詩易春秋博學有偉才盡通古今訓詁百家之言善屬文少游太學與班固傅毅同時齊名以處士辟車騎將軍掾

周燮始在髫髻而知廉讓十歲就學能通詩論後安帝以玄纁羔幣聘燮不起

馬續七歲能通論語十三明尚書十六治詩博觀羣籍善九章筭術順帝時爲護羌校尉遷度遼將軍

陳蕃字仲舉汝南平輿人也年十五嘗閑處一室而庭宇蕪穢父友同郡薛勤來候之謂蕃曰孺子何不洒掃以待賓客蕃曰大丈夫處世當掃除天下安事一室乎勤知其有清世志終位至大尉太傅錄尚書事

荀爽幼而好學年十二能通春秋論語太尉杜喬見而稱之曰可爲人師後位至司空

黃香江夏安陸人也年十二太守劉護召之署門下遂博學經典究精道術能文章京師號曰天下無雙江夏黃童初除郎中終魏郡太守

黃琬江夏安陸人少失父早而辯慧祖父瓊初爲魏郡太守桓帝建和元年正月日食京師不見而瓊以狀聞太后詔問所食多少瓊思其對而未知所况琬年七歲在傍曰何不言日食之餘如月之初瓊大驚卽以其言應詔而深奇愛之後瓊爲司徒琬以公孫拜童子郎辭病不就知名京師時司空盛允有疾瓊遣琬候問會江夏上蠶賊事副府副本謂公府也允發書視畢微戲琬曰江夏大邦而蠶多士少琬奉手對曰蠶夷猾夏責在司空因拂衣辭去允甚奇之後位至司徒太尉

臧洪年十五以父功拜童子郎知名太學後為東郡太守

陳實為太丘長出於單微自為兒童雖在戲弄為等類所歸

荀悅為秘書監侍中初年十二能說春秋貧無書每之人間所見篇牘一覽多能誦記

孔融為北海相幼有異才年十歲隨父詣京師時河南尹李膺以簡重自居不妄接士賓勅外自非當世

名人及與通家皆不得白融欲觀其人故造膺門語門者曰我是李君通家子弟門者言之膺請融問曰

高明祖父嘗與僕有恩舊乎融曰然先君孔子與君先人李老君同德比義而相師友則融與君累世通

家衆坐莫不歎息大中大夫陳煒後至坐中以告煒煒曰夫人少而聰了大未必奇融應聲曰觀君所言

將不早慧乎膺大笑曰高明必為偉器融後為曹公所殺融二子皆齷齪融既見收顧謂二子曰何以不

辭二子俱曰父尚如此復何以辭以為必俱死也

二子年八歲時方奕碁融被收二子端坐不起左右日若父見執而不起何也二子曰安有巢毀而卵不破者

魏邴原年十一而喪父家貧早孤鄰有書舍原過其

丹府元議 幼敏 卷之七 百七十三
傍而泣師問曰童子何悲原曰孤者易傷貧者易感
夫書者必皆具有父兄者一則美其不孤二則美其
得學心中惻然而為涕零也師亦哀原之言而為之
泣曰欲書可耳答曰無錢資師曰童子苟有志我徒
相教不求資也於是遂就書一冬之間誦孝經論語
自在童齒之中嶷然有異後為五官將長史卒
賈達字梁道河東襄陵人自為兒童戲弄嘗設部伍
祖父習異之曰汝大必為將率口授兵法數萬言終
豫州刺史

司馬朗字伯達九歲人有道其父字者朗曰慢人親
者不敬其親也客謝之十二歲試經為童子郎監試
者以其身體壯大疑朗匿年劾問朗曰朗之內外累
世長大朗雖稱弱無仰高之風損年以求蚤成非志
所為也監試者異之後至兖州刺史
王弼字輔嗣幼而察慧年十餘歲好左氏通辯能言
後為尚書

鍾會太尉繇小子敏慧夙成五歲繇遣見蔣濟濟甚
異之曰非嘗人後為司徒

任昭先名嘏世為著姓夙智蚤拔鄉人為之語曰蔣
氏翁任氏童年十四始學疑不再周三年中誦五經

皆曉其義兼包羣言無不綜覽於時學者號之爲神童

荀攸字公達或從子也祖父曇廣陵太守攸少孤及曇卒故吏張權求守曇墓攸年十三疑之謂叔父衢曰此吏有非常之色殆將有姦衢寤乃推問果殺人亡命繇是異之

一云攸年十八歲衢曾醉誤傷攸耳衢後聞之大驚而攸出入遊戲嘗避護不欲令衢見其夙智如此位至尚書令

嘗林河內温人年七歲有父黨造門問林伯先在否汝何不拜林曰雖當下客臨子字父何拜之曰於是咸共嘉之後爲光祿大夫

管輅年八九歲便喜仰視星辰得人輒問其名夜不肯寐父母嘗禁之猶不可止自言我年雖少然眼中喜視天文嘗云家雞野鵠猶尚知時况於人乎與隣比兒共戲土壤中特畫地作天文及日月星辰每答言說事語皆不嘗宿學耆人不能折之皆知其當有大異之才父爲琅琊郡丘長時年十五來至官舍讀詩論語及易本便開胸布筆辭義斐然于時黌上有遠方及國內諸生四百餘人皆服其才也琅琊太守單子春雅有才度聞輅一黌之雋欲得見輅父卽遣造之太原賓客百餘人坐上有能言之士輅問子春

府君名士加有雄貴之資輅既年少膽未堅剛若欲
相觀懼失精神先飲三升清酒然後而言之子春大
喜便斟三升清酒獨使飲之酒盡之後問子春今欲
與輅爲對者若府君四坐之士邪子春日吾欲自與
卿左鼓相當輅言始讀詩論語易本學問微淺未能
上引聖人之道陳秦漢之事但欲論金木水火土鬼
神之情耳子春言此最難者而卿以爲易邪於是唱
大論之端遂經於陰陽文采葩流枝葉橫生少引聖
籍多發天然子春及衆士互共攻詰論難蜂起而輅
人人答對言皆有餘至日向暮酒食不行子春語衆
人曰此年少盛有才器聽其言論正似司馬犬子遊
獵之賦何其磊落雄壯英神以茂必能明天文地理
變化之數不徒有言也於是發聲徐州號之神童後
爲少府丞

蜀諸葛瞻字思遠亮子也亮與兄瑾書曰瞻今已八
歲聰慧可愛嫌其蚤成不爲重器耳十七尚公主拜
騎都尉後爲衛將軍

吳虞翻少好學有高氣年十二客有候其兄者不過
翻翻追與書曰僕聞虎鬼不取腐芥磁石不受曲針
過而不存不亦宜乎客得書奇之繇是見稱仕爲騎

都尉

陸績年六歲於九江見袁術術出橘績懷三枚去拜辭墮地術謂曰陸郎作賓客而懷橘乎績跪答曰欲歸遺母術大奇之孫策在吳張昭張紘秦松爲上賓共論四海未泰須當用武治而平之績年少未坐遙大聲言曰昔管夷吾相齊桓公九合諸侯一匡天下不用兵車孔子曰遠人不服則修文德以來之今論者不務道德懷取之術而惟尚武績雖童蒙竊所未安也昭等異焉後爲鬱林太守

諸葛恪少有才名發藻岐嶷辨論應下莫與爲對大帝見而奇之謂父瑾曰藍田生玉真不虛也位至太傅荆揚州牧督中外諸軍事

朱桓子異張惇子純與張儼俱童少往見驃騎將軍朱據據聞三人才名欲試之告曰老鄙相聞渴甚矣夫騷裘以迅驟爲功鷹隼以輕疾爲妙其爲吾各賦一物然後乃坐儼乃賦犬曰守則有威出則有獲韓盧宋鵠書名竹帛純賦席曰席以冬設簞爲夏施揖讓而坐君子攸宜異賦弩曰南嶽之幹鍾山之銅應機命中獲隼高墉三人各隨其目所見而賦之皆成而後坐據大歡悅桓後爲前將軍青州牧

沈友豫章人年十一太守華歆出行風俗見而異之
因呼曰沈君可登車語乎友遂巡却曰君子講好會
宴以禮今仁義陵遲聖道漸壞先生銜命將以禪補
先生之教整齊風俗而輕脫威儀猶負薪救火無乃
更崇其熾乎歆慙曰自桓靈以來雖多英彥未有幼
童若此者仕爲丹陽太守

丁覽山陰人八歲而孤家又單微清身立行用意不
苟推賄從弟以義讓稱爲功曹守始平長

徐平字伯先大末人童胤知名虞翻甚愛之屢稱歎
焉後爲武昌左都督

終

册府元龜

淮南李嗣京叅閱

西極文翔鳳訂正

豫章黃國琦較釋

總錄部 二十四

幼敏第二

晉荀顛魏太尉或之第六子幼爲姪婿陳羣所賞性
至孝總角知名博學洽聞理思周密位至侍中太尉
行太子太傅

荀勗漢司空爽曾孫祖斐射聲較尉父盼早亡勗依

丹府元龜 幼敏二 卷之七十七
於舅氏岐嶷夙年十餘歲能屬文從外祖魏太傅鍾
繇曰此兒當及其魯祖及長遂博學達於政事後爲
守中書監侍中卒

羅憲年十三能屬文早知名師事譙周周門人稱爲
子貢終於陵江將軍節度領武陵太守

裴秀魏尚書令潛之子也少好學有風操八歲能屬
文叔父徽有盛名賓客甚衆秀年十餘歲有詣徽出
則過秀時人爲之語曰後進領袖有裴秀位至司空
潘岳少以才穎見稱鄉邑號爲奇童謂終賈之儔後
官至給事黃門侍郎

王戎年六七歲嘗與羣兒戲於道側見李樹多實等
輩竟趨之戎獨不往或問其故戎曰樹在道邊而多
子必苦李也取之信然終於司徒

王衍父又爲平北將軍嘗有公事使行人列上不時
報衍年十四在京師造僕射羊祜申陳事狀辭甚辯
祜名德貴重而衍幼年無屈下之色衆咸異之位至
太尉尚書令

王澄生而警悟雖未能言見人舉動便識其意終於
軍諮祭酒

盛彥少有異才年八歲詣吳太尉戴昌昌贈詩以觀

之彥於坐答之辭甚慷慨彥仕吳至中書侍郎吳平
劉頌舉爲小中正卒

陸雲六歲能屬文吳尚書廣陵閔鴻見而奇之日此
兒若非龍駒當是鳳雛後舉雲賢良時年十六後官
至太尉都督前鋒

周光少有父風年十一見王敦敦謂曰貴郡未有將
誰可用者光曰明公不耻下問竊謂無復見勝敦笑
以爲寧遠將軍尋陽太守

高崧少好學善史書總角時司空何充稱其明慧充
爲揚州引崧爲主簿益相欽重

范宣年十歲能誦詩書嘗以刀傷手捧手改容人問
痛否答曰不足爲痛但受全之體而致毀傷不可處
耳家人以其年幼而異焉後詔徵太學博士散騎郎
並不就

王允之總角時從從伯敦敦與錢鳳謀逆而允之時
飲酒醉帳中卧悉聞其言慮敦疑之便於卧處吐涕
狼藉敦果疑遣看之見吐唾以爲醉不復疑之允之
爲衛將軍會稽內史卒

王儉字元衡內史下邳陳邵擅名徐州邵聞儉年十
四善屬文請作祝文邵請郡客曰此生爲文有可觀

採命為督郵主簿邵遷給事中儉每為定表

褚陶弱不好弄少而聰慧清淡閒默以墳典自娛年

十三作鷗鳥水磴二賦見者奇之位至中尉

庾闡好學九歲能屬文後為著佐吳國內史卒

李矩童亂時與羣兒聚戲便為其率計畫指授有成

人之量矩終於安西將軍司州刺史

孔衍少好學年十二能誦詩書位至廣陵太守

賀循會稽山陰人吳中書令邵之子邵為孫皓所殺

徙家屬邊郡循少嬰家難流放海隅吳平乃還本郡

操尚高厲童亂不羣言行進止必以禮讓國相丁父

為五官掾

成公綏幼而聰敏博涉經傳性寡欲不營資產家貧

歲饑嘗如也少有俊才詞賦甚麗後為中書郎卒

韓康伯母殷氏高明有行家貧窶伯年數歲至大寒

母方為作襦令伯捉熨斗而謂之曰且著襦尋當作

複禪伯曰不復須母問其故對曰火在斗中而柄尚

熱今既著襦下亦當煖母甚異之位至丹陽尹吏部

尚書領軍將軍

張憑祖鎮為蒼梧太守憑年數歲鎮謂其父曰我不

如汝有佳兒憑曰阿翁詐宜以子戲父耶憑後為吏

部郎御史中丞卒

荀羨清和有準纔年七歲遇蘇峻難隨父在石頭峻甚愛之嘗置膝上羨陰白其母曰得一利刀子足以殺賊母掩其口無妄言羨終於右軍將軍

王珉珣之弟也有外國沙門名提婆妙解法理爲珣兄弟講毗曇經珣時尚幼講未半便云已解卽於別室與沙門法綱等數人自講法綱歎曰大義皆是但小未精耳

謝尚鯤之子八歲神悟夙成鯤嘗携之送客或曰此兒一坐之顏回也尚應聲答曰坐無尼父焉別顏回

席賓莫不歎異年十餘歲遭父憂丹陽尹溫嶠弔之尚號咷極哀旣而收涕告謝舉止有異嘗童嶠甚竒之

謝安總角神識沉敏風宇條暢善行書父奕爲剡令有老人犯法奕以醇酒飲之醉猶未已安時年七八歲在奕膝邊諫止奕爲改容遣之安位至太保

謝玄安之兄子少穎悟與從兄郎俱爲安所器安嘗戒約子姪因曰子弟亦何豫人而正欲使其佳諸人莫有言者玄答曰譬如芝蘭玉樹欲使其生於堦庭耳安悅玄終於散騎嘗侍左將軍會稽內史

謝郎安之兄子善言玄理文義豔發名亞於玄總角時病新起體甚羸未堪勞於安前與沙門支道講論遂至相苦其母王氏再遣信令還安欲留使竟論王氏因出云新婦少遭難一生所寄惟在此兒流涕携郎去郎後位至東陽太守

王獻之年數歲嘗觀門生樛蒲曰南風不競門生日此郎亦管中窺豹特見一斑獻之怒曰遠暫苟奉倩近愧劉真長遂拂衣而去獻之官至建威將軍吳興太守

孫放字齊莊盛之次子幼稱令慧年七八歲在荊州與父俱從庾亮獵亮謂曰君亦來邪應聲答曰無小無大從公子邁亮又問欲齊何莊邪放曰欲齊莊周亮曰不慕仲尼邪答曰仲尼生而知之非希企所及亮大奇之曰輔嗣弗過也庾翼子爰客嘗候盛見放而問曰安國何在放答曰庾稚恭家爰客大笑曰諸孫大盛有兒如此也放又曰未若諸庾翼翼旣而語人曰我故得重呼奴父也放啓於長沙相戴逵總角以雞卵汁溲白瓦屑作鄭玄碑又爲文而自鑄之詞麗器妙時人莫不驚歎逵武帝時以大學博士給事中累徵不起

王修明秀有美稱善隸書號曰流奕清舉年十二作
賢全論父濛以示劉惔曰此論便足以參微言修終
於著作郎

范喬年二歲時祖馨臨終撫喬首曰恨不見汝成人
因以所用硯與之至五歲祖母以告喬喬便執硯涕
泣九歲詣學在同輩之中言無媒辭喬後除樂安令
辭疾不拜

宋謝瞻六歲能屬文為紫石英讚果然
果然獸名詩當時
才士莫不歎異後為護南蠻較尉荊州刺史

蔡興宗幼為父廓所重廓與親故書曰小兒四歲神
氣似可不入非類室不與小人遊故以興宗為之名

興宗年十歲失父哀毀有異凡童父廓罷豫章郡還
起二宅先成東宅與弟執廓亡而館宇未立執罷長
沙郡還送錢五十萬以補宅直興宗年十歲白母曰
一家繇來豐儉必共今日宅價不宜受也母悅而從
焉執有愧色謂其子談曰我年六十行事不及十歲
小兒興宗終於光祿大夫

謝弘徵童幼時精神端審時然後言所繼叔父混名
知人見而異之謂弘徵父思曰此兒浮中夙敏方成
佳器有子如此足矣年十歲出係從叔峻所係父於

弘徵本總麻親戚中表素不相識率意承接皆合禮
衷後爲右衛將軍卒

謝莊年七歲能屬文通論語位至金紫光祿大夫
沈林子字敬士少有大度年數歲隨王父在京口王
恭見而奇之曰此兒王子師之流也與衆人共見遺
寶咸爭趨之林子直去不顧

徐湛之年數歲與弟淳之共車行牛奔車壞左右人
馳來赴之湛之先令取弟衆咸歎其幼而有識後終
於尚書僕射領護軍將軍

沈璞童孺時神意闕審有異於衆太祖問其父林子
曰聞君小兒器質不凡甚欲相識林子令璞進見太
祖奇璞應對謂林子曰此非嘗兒年十許歲智度便
有大成之姿

王綯或之子年七歲讀論語至周監於二代外祖何
尚之戲之曰耶耶乎文哉綯卽答曰草翁之風必偃
位至祕書丞相卒

王魯綽左光祿大夫曇首之子幼有大成之度弱年
衆以國器許之好學有理思練悉朝典年十三喪父
太祖引見下拜便流涕哽咽帝亦悲不自勝襲封豫
章縣侯尚太祖長女東陽獻公主官至吏部尚書

玄叔少有風氣年數歲伯湛謂家人曰此非凡兒至
十餘歲爲姑夫王弘所賞不爲章句之學而博涉多
道好屬文辭采適豔縱橫才辯終於太子左衛率
王僧達太保弘少子幼聰敏弘爲州時僧達年七歲
遇有通訟者竊覽其辭謂爲有理及人訟者亦進弘
意其小留左右僧達爲申理闇誦不失一句文帝聞
其早慧召見於德陽殿問其書學及家事應對閑敏
帝甚知之妻以臨川王義慶女位至中書令
謝靈運晉車騎將軍玄之孫幼便穎悟玄甚異之官
至臨川內史

謝惠連幼而聰敏年十歲能屬文族兄靈運深相知
賞後爲彭城王法曹後參軍卒

何承天五歲失父其母徐氏廣之姊也聰明博學故
承天幼漸訓義儒史百家莫不該覽位至廷尉

裴松之年八歲學通論語毛詩博覽墳籍立身簡素
後爲大中大夫卒

南齊顧歡年六七歲書甲子有簡三篇歡析計遂知
六甲家貧父使驅田中雀歡作黃雀賦而歸雀食稻
過半父怒欲撻之見賦乃止永明元年詔徵爲大學
博士不就

謝滿年七歲王或見而異之言於宋孝武召見於稠
人廣衆之中瀟舉動閑靜應對合旨帝甚悅詔尙公
主值景和敗事寢後終於太子詹事

王慈僧虔之子年十歲與蔡興宗子約入寺禮佛遇
僧約戲慈曰象僧今可謂虔慈應聲曰卿如此
何以與蔡氏之宗

劉獻篤志好學博通訓義年五歲聞舅孔氏熙先讀
管寧傳欣然欲讀舅更爲說之精意聽受曰此可及
也嘗爲會稽郡丞後除步兵校尉不拜卒

虞愿祖賚給事中監利侯中庭橘樹冬熟子孫竟來

取之愿數歲獨不取賚及家人皆異之位至廷尉東
觀祭酒

褚淵字彥回幼有清譽宋元嘉末魏軍逼瓜步百姓
咸負擔而立時淵父湛之爲丹陽尹使其子弟並著
芒屨於齋前習行或譏之湛之曰安不忘危也彥回
時年十餘歲甚有慙色湛之有一牛至所愛無故墮
聽事前湛之率左右躬自營救之郡中喧擾彥回下
簾不視又有門生盜其衣彥回遇見謂曰可密藏之
勿使人見此門生慙而去不敢復還淵位至司徒
江厥字偉卿祐弟子也厥年十二祐被誅聞報至謂

家人曰伯旣如此無心獨存赴井死

張欣泰少有志節不以武業自居好隸書讀子史年十餘歲詣吏部尚書褚淵淵問之曰張長弓馬多少欣泰答曰性怯畏馬無力牽弓淵甚異之官至雍州刺史

劉懷珍幼隨伯父奉伯至壽陽豫州刺史趙伯符出獵百姓聚觀懷珍獨避不視奉伯異之曰此兒方興吾家後位至光祿大夫

梁范雲年八歲遇宋豫州刺史殷琰於塗琰異之要就席雲風姿應對旁若無人琰令賦詩操筆便就坐

者歎焉

謝朓莊之子幼聰慧莊器之嘗置左右年十歲能屬文莊遊土山賦詩使朓命篇朓攬筆便就瑯琊王景文謂莊曰賢子足稱神童復爲後來特達莊笑因撫朓背曰真吾家千金孝武帝遊姑熟勅莊携朓從駕詔使爲涸井贊於坐奏之起家撫軍法曹行參軍樂藹晉尙書令廣之六世孫世居江夏其舅雍州刺史宗慤嘗陳器物試諸甥姪藹時尚幼而所取唯書慤繇此奇之又取史傳各一卷授藹等使讀畢言所記藹畧讀具舉慤益善之終於平越中郎將廣州刺

史

江蒨幼聰慧敏警讀書過目便能諷誦選爲國子生通尚書舉高第起家祕書郎

王泰幼敏悟年數歲時祖母集諸孫姪散棗栗於牀上羣兒競之泰獨不取問其故對曰不取自當得賜繇是中表異之位至吏部尚書

王承字安期七歲通周易選補國子生年十五射策高第位至東陽太守

柳惲少子偃字彥游年十二引見詔問讀何書對曰尚書又曰何爲美句對曰德惟善政政在養民衆咸

異之詔尚長城公主拜駙馬都尉鄱陽內史卒

陸雲公字子龍五歲誦論語毛詩九歲讀漢書畧能記憶從祖僑沛國劉顯質問十事雲公對無所失僑顯歎異之終於中書黃門郎

徐勉幼孤貧早勵清節年六歲時屬霖雨家人祈霽率爾爲文見稱耆宿後位至右光祿大夫侍中衛將軍

陸績早慧七歲通經爲童子奉車郎

裴邃十歲能屬文善左氏春秋後爲豫州刺史

明山賓七歲能言各理十三博通經傳位至散騎常

侍兼國子祭酒假節攝北交州事卒

王僧孺幼聰慧年五歲讀孝經問授者此書所載述
曰論忠孝二事僧孺曰若爾嘗願讀之有愧其父東
李先以一與之僧孺不受曰大人不見不容先嘗六
歲能屬文既長好學家貧嘗傭書以養母所寫既畢
諷詠亦通七歲能讀千萬言後爲北中郎咨議參軍
入直西省知撰譜事卒

任昉幼而聰敏早稱神悟七歲誦詩數十篇八歲能
屬文自制月儀辭義甚美褚彥回嘗謂昉父遙曰聞
卿有令子百不爲多一不爲少錄是聞聲籍甚年十

二從叔咎有知人之量見而稱其小名曰阿堆吾家
千里駒也終於西安太守

張率年十二能屬文嘗日限爲詩一篇稍進作賦頌
至年十六向二千許首齊始安王簫遙光爲揚州召
迎主簿不就後歷位黃門侍郎出爲新安太守卒

劉顯幼而聰敏六歲能誦呂相絕秦賈誼過秦論瑯
琊王思遠吳國張融見而稱賞號曰神童族伯獻儒
學有重名卒無嗣齊武帝詔顯爲後時年八歲終於
西平府諮議參軍

劉孝綽幼聰敏七歲能屬文舅中書郎王遇深賞異

之嘗與同載識親友號曰神童融每言曰天下文章
若無我當歸阿士阿士孝綽小字也時父繪掌詔誥
孝綽年未志學繪嘗使代草之父黨沈約在昉范雲
等聞其名並命駕先造焉昉尤相賞好范雲年長繪
十餘歲其子孝才與孝綽年十四五及雲通孝綽便
申伯季乃命孝才拜之孝綽官至祕書監卒
陳慶之子昉七歲能騎射十二隨父入雒於路遇疾
還京師詣鴻臚卿朱异訪北閭形勢昉聚土畫地指
麾分別异甚奇之昉終於雲旗將軍

王筠字元禮幼警悟七歲能屬文年十六爲芍藥賦

甚美官至太子詹事

蕭乾年九歲補國子周易主祭酒袁昂深敬之

張緬字元長父弘策從高祖義師入伐留緬襄陽年
始十歲每聞軍有勝負憂喜形於顏色後爲御史丞
遷侍中未拜而卒

王觀年十二五經大義並畧能通既長好學有口辯
位至左戶尚書

褚玠七歲而孤爲叔父驃騎從事中郎隨所養早有
令譽先達多以才器許之終於御史中丞
宗慄少聰敏好學晝夜不倦鄉里號爲童子學士仕

梁官至吏部尚書

褚向年數歲父母相繼亡沒向哀毀若成人者親表

咸異之官至北齊郎廬陵王長史卒

劉霽年九歲能誦左氏傳宗黨咸異之霽官至建康

正

劉褒年七歲能屬文外祖司空表昂愛之謂賓客曰

此兒當成吾宅相褒仕梁官左僕射

劉孺幼聰敏七歲能屬文後位至吏部尚書

劉覽字孝智十六通老易經於左丞

蕭洽幼敏悟年七歲誦楚詞畧能上口官至司徒左

長史卒

蕭修局力貞固威儀嚴整九歲通論語十一能屬文

鴻臚卿裴子野見而賞之初封宜豐侯官至太保

謝舉年十四嘗贈沈約五言詩爲約稱賞終尚書令

何遜八歲能賦詩嘗爲尚書水部郎卒於仁威廬陵

王記室

謝幾卿幼清辯當世號曰神童官至左光祿長史卒

蕭密字士機幼聰敏博學有文詞

王籍七歲能屬文後爲唐侯相卒

傅昭六歲而孤哀毀如成人爲外祖所養十歲於朱

雀航賣曆日雍州刺史袁顛見而奇之顛嘗來昭讀
書自若神色不改顛歎曰此兒神情不凡必成佳器
位至散騎嘗侍金紫光祿大夫

顧協幼孤隨母養於外從祖右光祿大夫張永永嘗
携內外孫姪遊武立山協年數歲永撫之曰兒欲何
戲協曰兒正欲枕石漱流永歎息曰顧氏興於此子
及長好學以精力稱後拜通直散騎侍郎兼中書通
事舍人守鴻臚卿卒

劉敲幼有識慧四歲喪父與羣兒同處獨不戲弄六
歲誦論語毛詩意所不解便能問難十二讀莊子遊

選篇曰此何解耳客因問之隨問而答皆有情埋家
人每異之敲終不娶不仕卒於家

伏挺幼敏悟十歲通孝經論語挺後客遊吳與卒

庾子輿幼而岐嶷五歲讀孝經手不釋卷或曰此書
文句不多何用自苦答曰孝德之本何謂不多後除
巴陵內史卒

劉昭幼清警七歲通老莊義卒於剡令

庾於陵七歲能言玄理弟肩吾八歲能賦詩特爲於
陵所友悌後於陵終於鴻臚卿肩吾位至江州刺史
領義陽太守

許懋字昭哲少孤好學爲州里所稱十四入大學受
毛詩且領師說覆講座下聽者嘗數十百人官至中
庶子

到泝幼聰敏五歲時父禡於屏風抄古詩沈請讀一
遍便能諷誦無所遺失終於北中郎諮議參軍

到鏡漑之子也五歲便口授爲詩婉有辭况位至太
子舍人卒

丘遲八歲能屬文父靈鞠嘗謂氣骨似我黃門侍郎
謝起宗徵士何點並見而異之終於司空從事中郎
陶季直早慧祖愨祖甚愛異之愨祖嘗以四函銀列

置於前令諸孫各取季直時甫四歲獨不取人問其
故季直曰若有賜當先父伯不應度及諸孫是故不
取愨祖益奇之季直官至太中大夫

江革幼而聰敏早有才思六歲便解屬文父柔之深
加賞器曰此兒必興吾門革子從簡少有文情年十
七作採荷調以刺何敬容爲當時所賞後爲度支尚
書謝病還家除光祿大夫卒

劉之遴八歲能屬文十五舉茂才對策沈約任昉見
而異之位至都官尚書太常卿

陳表憲字德章武帝撰孔子正言章句詔下國學宣

制旨義憲時年十四被召爲國子生博士周弘正謂
憲父君正曰賢子今茲策試不數日君正遣門下客
岑文豪與憲候弘正會弘正將登講坐弟子畢集乃
延憲入室授以麈尾令憲樹義時謝收何晏在座弘
正謂曰二賢雖窮粵曠得無憚此後生耶何謝於是
遞起義端深極理致相與往復數番譬對閑敏弘正
謂安曰恣卿所問勿以童稚相期時學衆滿堂觀者
重沓而憲神色自若辯論有餘弘正亦起數難終不
能屈因告文豪曰卿還咨袁吳郡此卽已堪見代爲
博十矣時生徒對策多行賄賂文豪請具束修君正

曰我豈得用錢爲兒買第耶學司銜之及憲試爭起
剝難憲隨問抗答剖析如流到漑顧憲曰袁君正其
有後矣及君正將之吳郡漑祖道於征虜亭謂君正
曰昨策生蕭孫徐孝克非不解義至於風神氣局去
賢子遠矣憲歷官至昌州刺史復授晉王長史卒
姚察幼有至性事親以孝聞六歲誦書萬餘言若不
好弄博奕雜戲初不經心勤苦精厲以夜繼日十二
便能屬文十三梁簡文帝時在東宮盛修文義卽引
於宣猷堂聽講論難爲儒者所稱後爲太子內舍人
卒

陸瓊父雲公梁給事中黃門侍郎掌著作瓊幼聰慧有詞理六歲為五言詩頗有詞采大同末雲公受梁武帝詔較定棊品到漑朱异以下並集瓊時年八歲於客前覆局繇是京兆號曰神童异言之武帝有勅召見瓊風神警亮進退詳審帝甚異之瓊位至吏部尚書領大著作

顧野王幼學七歲讀五經知大旨九歲能屬文嘗製日賦梁領軍朱异見而奇之年十二隨父之建安撰建安地記二篇後為黃門侍郎光祿卿卒

陸從典瓊之第三子幼而聰敏年八歲讀沈約集見

其詞甚美瓊時為東宮管記官寮並一時俊偉瓊示以此賦咸奇其異才從父瑜特所賞愛及瑜將命終家中墳籍皆付從典乃集瑜文為十卷仍製集序其文甚工後為南陽縣主簿卒

陸辯惠侍中繕之子年數歲詔引入殿內辯惠應對進止有父風高宗因賜名辯字敬仁

張正見幼好學有才梁簡文在東宮正見年十三獻頌簡文深贊賞之簡文雅尚學業每自昇座說經正見嘗預講筵請決疑義吐納和韻進退詳雅四座咸

屬目焉終於尚書度支郎

岑之敬年五歲讀孝經每燒香正坐親戚咸加歎異十六策春秋左氏制旨孝經義權爲高第御史奏曰皇朝多士例止明經若顏閔之流乃應高第梁武帝曰何妨我後有顏閔耶因召入面試令之敬昇講座勅中書舍人朱异執孝經唱士章武帝親自論難之敬剖釋縱橫應對如嚮左右莫不嗟服乃除童子奉車卽賞賜優厚後爲侍御史征南府諮議叅軍卒

狂之偉幼精敏有逸才七歲受尚書稍習詩禮畧通其學十五遍觀文史禮儀故事時輩伏其早成僕射徐勉嘗見其文重其有筆力位至太中大夫

徐敬成幼敏慧好讀書少機警善占對結交文義之士以識鑒知名位至安州刺史

馬樞四歲而父母俱喪爲其姑所養六歲能誦孝經論語老子後郡陵王綸引爲學士

虞寄少聰敏年數歲客有造其父者遇寄於門因嘲之曰郎君姓虞必當無智寄應聲答曰文字不辯豈得非愚客大慚入謂其父曰此子非嘗人文學之對不足過也終於太中大夫卒

虞荔幼聰敏有志操年九歲隨從伯關候大嘗陸儼

問五經凡有十事荔隨問輒應無有遺失僑甚異之
又嘗詣徵士何治時太守衡陽王亦造焉治言之於
王王欲見荔荔辭曰未有板刺無容拜謁王以荔有
高尚之志雅相欽重還郡即辟為主簿荔又辭以年
少不就後為太子中庶子領大著作卒

韋載梁黃門侍郎正之子少聰慧篤志好學年十一
叔父稜見沛國劉顯問漢書十事載隨問應答曾無
疑滯及長博涉書史流敏有器局位至散騎嘗侍太
子右衛卒

謝貞年七歲母王氏授論語孝經讀訖便誦八歲嘗
為春日閒居五言詩從舅尚書王筠奇其有佳致謂
所親曰此兒方可大成至如風定花猶落乃追步謝
惠連矣繇是名輩知之年十三畧通五經大旨尤善
左氏傳工章隸蟲篆終於南平王友掌記室事

徐凌八歲能屬文十二通莊老義既長博涉史籍縱
橫有口辯凌子份少有父風年九歲為夢賦凌見之
謂所親曰吾幼屬文亦不如此後為左光祿大夫太
子少傅卒

裴忌少聰敏有識量頗涉史傳為當時所稱解褐豫
章王法曹參軍終於上開府

周弘正幼孤及弟弘讓弘直俱爲叔父捨所養年十歲通老子周易捨每與談論輒異之曰觀汝神情穎悟清理警發後世知名當出吾右十五召補國子生仍於國學講周易諸生博習其義以季春入學孟冬應舉學司以其日淺勿之許焉博士到洽議曰周郎年未弱冠便自講一經雖日諸生實堪師表無俟策試起梁家大學博士

傅縡幼聰敏七歲誦古詩賦至十餘萬言長好學能屬文後爲祕書監右衛將軍兼中書通事舍人掌詔

蔡徵幼聰敏精識強記年六歲詣吏部尚書河南褚

綽綽嗟其穎悟位至給事郎

淮南李嗣京蔡明

張譏幼聰俊有思理年十四通孝經論語篤好玄言受學於汝南周弘正每有新意爲先輩推伏終於國子博士東宮學士

陰鏗幼聰慧五歲能誦詩賦日千言後官至晉陵大守員外散騎嘗侍

王元規八歲而孤兄弟三人隨母依舅氏往臨海郡時年十二郡土豪劉填者資財巨萬欲妻以女母以其兄翁幼弱欲結強援元規泣請曰因不失其親古

人所重豈得苟安異壤輒婚於非類母感其言而止
終於秦王東閣祭酒

冊府元龜

淮南李嗣京叅閱

西極文翔鳳訂正

豫章黃國琦較釋

總錄部

幼敏第三

後魏賈夔字彥倫父為苻堅鉅鹿太守坐訕謗繫夔
年十歲詣長安訟父獲申遠近嘆之僉曰此子英俊
賈誼之後莫之與京後太祖即位拜尚書左丞加給
事

崔玄伯少有俊才號曰冀州神童苻融牧冀州虛心
禮敬拜陽平公侍郎領冀州從事後位至天部大人
進爵爲公

李丞字伯業寶之子也少有奇畧太武時寶欲謀歸
款民僚多有異議丞時年十三勸寶速定大計於是
遂決仍令丞隨表入質太武深相器異禮遇甚優賜
爵始臧侯

陸琇字伯琳猷第五子猷有以爵傳琇之意琇年九
歲猷謂之日汝祖東平王有十二子我爲適長承襲
家業今已年老屬汝幼冲詎堪爲陸氏宗首乎琇對

曰苟非闔力何患童稚猷奇之遂立琇爲世子

韋纘荊州刺史彌之子年十三補中書學生聰敏明
辯爲博士李彪所稱除祕書中散

裴安祖少而聰慧年八九歲就師講詩至鹿鳴篇語
諸兄云鹿雖禽獸得食相呼而况人也自此之後未
曾獨食

裴駿字神駒幼而聰慧親表異之稱爲神駒因以爲
字位至中書侍郎

胡叟字倫許少聰慧年十三辯疑釋理知名鄉國其
意之所悟與成人交論數有屈焉叟以姚氏將衰遂

入長安觀風化隱匿名行懼人見知時京兆韋祖思少閱典墳多蔑時彥知叟至召而見之祖思習嘗待叟不足聊與溫良叟拂衣而出祖思回留之日當與君論天人之際何遽而反乎叟對曰論天人者其亾久矣與君相知何夸言若是也遂不坐而去至主人家賦韋社二族一宿而成時年十有八歲具述前載無違舊美叙中世有協時事而未及鄙瀆人皆奇其才畏其筆世有傳誦之以爲笑狎叟後拜武威將軍賜爵始復男卒

李志字鴻道博學有幹才年十餘歲便能屬文父彪甚奇之

李安世太尉祥之子幼而聰悟興安二年文成引見侍郎博士之子簡其秀雋者欲爲中書學生安世年十一帝見其尙小引問之安世陳說父祖甚有次第卽以爲生帝每幸國學嘗獨被引問詔曰汝但守此至大不慮不富貴

祖瑩范陽人八歲能誦詩書十二爲中書學生內外親屬呼爲聖小兒後歷秘書監遷車騎將軍李琰之字景珍司空詔之族弟早有盛名時人號曰神童位至兼侍中車騎大將軍左光祿大夫

袁翻子聿修九歲州辟主簿性深沈有鑒識清靖寡
欲與物無競姨夫尚書崔琳深知所賞

李謚涿郡人年十三通孝經論語毛詩尚書歷數之
術尤盡其長州閭鄉黨有神童之號後徵拜著作郎
辟以授第郁公府二辟皆不就及卒命謚曰貞靜處
士表其門曰文德里曰孝義

北齊邢邵十歲便能屬文雅有才思聰明強記日誦
萬餘言族兄鸞有文鑒謂子弟曰宗室中有此兒非
嘗人後爲太嘗卿中書監攝國子祭酒復授特進卒
杜弼幼聰敏家貧無書年十二寄郡學受業教授之

際師每奇之位至膠州刺史

王紘性機敏應對辯捷年十三見揚州刺史太原郭
元貞元貞撫其背曰汝讀何書對曰誦孝經曰孝經
云何曰在上不驕爲下不亂元貞曰吾作刺史豈其
驕乎紘曰公雖不驕君子防未萌亦願留意元貞稱
善年十五隨父在北豫州行臺侯景與人論掩衣法
爲當左爲當右尚書敬顯雋曰孔子云微管仲吾其
被髮左衽矣以此言之左衽爲是紘進曰國家龍飛
朔野雄步中原五帝異儀三王殊制掩衣左右何足
是非景奇其早慧賜以名馬後官至散騎嘗侍兼侍

中

李繪字敬文年六歲便自願入學家人以偶年俗忌約而弗許遂伺其伯姊筆牘之間而輒竊用未幾遂通悉就章内外異之以為非嘗兒也天保初為司徒右長史卒

徐之才幼而雋發五歲誦孝經八歲畧通義旨曾與從兄康造梁太子詹事汝南周捨宅聽老子捨為設食乃戲之曰徐郎不用心思義而但事食乎之才答曰蓋聞聖人虛其心而實其腹捨嗟賞之年十三召為大學生粗通禮易彭城劉孝綽河東裴子野吳郡

張暉等每共論周易及喪之服儀酬答應之如響咸共歎曰此神童也位至僕射卒

楊愔字遵彥小名秦王弘農華陰人父津魏時累為司空侍中愔兒童時口若不能言而風度深敏出入門閭未嘗戲弄六歲學史書十一受易好左氏春秋幼喪母曾詣舅源子恭子恭與之飲問讀何書曰誦詩子恭曰誦至滑陽未邪愔便號泣感噎子恭亦對之歔歔遂為之罷酒子恭後謂津曰嘗謂秦王不其察慧從今已後更欲刮目視之愔一門四世同居家甚隆盛昆季就學者三十餘人學庭前有李樹實落

地羣兒咸爭之情頽然坐其季父暉適入學館見之
因大嗟異顧謂賓客曰此兒恬裕有戎風宅內有茂
竹遂爲惜於林邊別葺一室命獨處其中嘗銅盤具
盛饌以飯之因以督厲諸子曰汝輩但如遵彥謹慎
自得竹林別室銅盤重肉之食惜從父兄黃門侍郎
昱特相器重曾謂人曰此兒駒齒未落已是我家龍
文更十歲後當求之千里外後拜尚書令又拜特進
驃騎大將軍

李稚廉趙高邑人齊州刺史義深之弟少而寡欲爲
兒童時初不從家人有所求請嘗改以金寶授之終
不取強付輒擲之於地州牧以其蒙稚而廉故名曰
稚廉聰敏好學年十五頗尋覽五經章句嘗爲青州
刺史未幾徵爲并省都官尚書卒

孫靈暉浮州武強人魏大儒祕書監惠蔚靈暉之族
曾王父也靈暉少明敏有器度惠蔚一子早卒其家
書籍多在焉靈暉年七歲便好學日誦數千言惟尋
討惠蔚手錄章疏不求師友三禮及三傳皆通宗古
然始就鮑季詳熊安生質問疑滯其所發明熊鮑無
以異也後爲大將軍司馬

蘇瓊字珍之幼時隨父在邊嘗謁東荊州刺史曹芝

芝戲問曰卿欲官否對曰設官求人非人求官芝異其對署爲府長流參軍後爲博陵太守

和士開幼而聰慧選爲國子學生解悟捷疾爲同業所尚武平元年封淮王除尚書令錄尚書事

後周桓翊字鳳翔高平金鄉人六世祖毓晉步兵校

尉父江始還北任至太嘗少卿翊十歲喪父還京師

宅與營人雜居幼孤寒不與鄰人來往好讀書解屬

文能鼓琴早爲瑯琊王誦所知

宗慄少聰敏好讀書晝夜不倦語輒引古事鄉里呼

爲小兒學士後拜車騎大將軍卒

韋瑱字世珍聰敏有夙成之量閭里咸敬異之後位至侍中驃騎大將軍

柳慶年十三時父僧習爲潁川郡地接都畿民多豪

右將選鄉官皆依倚貴勢就來請託選用未定僧習

謂諸子曰權貴請託吾弁不用其使欲還皆須有答

汝等各以意爲吾作書也慶乃具書草云下官受委

大邦選吏之日有能者進不肖者退此乃朝廷嘗典

僧習讀書歎曰此兒有意氣大丈夫理當如是卽依

慶所草以報後爲宜州刺史入爲司會卒

李旭頓丘臨黃人小名那祖彪名重魏朝爲御史中

尉父游亦有才行爲當世所稱游兄志爲荊州刺史游從至州屬爾朱之亂與志俱奔江左旭性峻恣不雜交游幼年已解屬文有聲雒下時雒陽創置明堂旭年十數歲爲明堂賦雖優洽未足才制可稱觀者咸曰有家風矣

長孫澄字士亮魏太師雅之子年十歲司徒李瑛之見而竒之遂以女妻焉十四從征討有策謀勇冠諸將後拜大將軍封義門公爲玉壁總管卒

李賢字賢和九歲從師受業畧觀大旨而已不尋章句或謂之日學不精勤不如不學賢日夫人各有志賢豈能強學待問領徒受業耶惟當相聞教義補已不足至如忠孝之道實銘之於心問者慚服位至大將軍

賢子崇文字永隆以父賢勲封迴雒縣侯時年少拜爵親族相賀崇獨泣下賢問之對日無勲於國幼少封侯當報主恩不得終於孝養是以悲耳賢繇此大竒之位至大府中丞大夫

斛斯徵字士亮太傅尙書令椿之子幼聰穎五歲誦孝經周易識者異之及長涉羣書尤精三禮後爲太子太保

柳霞幼而爽邁神采巖然髫歲便有成人之量篤好文學動合規矩其世父慶遠特器異之後爲驃騎大將軍霍州刺史卒

劉祥幼而聰慧占對俊辯賓客見者號爲神童年十歲能屬文十二通五經

顏之儀幼穎悟三歲能讀孝經位至集州刺史

蕭大園幼而聰敏神情俊悟年四歲能誦三都賦及孝經論語七歲居母喪便有成人之性後爲內史侍郎西河郡守卒

蕭橋字智遐梁武帝弟安成王秀之子也性溫裕有

儀表年十二入國學博觀經史雅好屬文在梁封永豐縣侯

沈重字德厚吳興武康人性聰悟有異嘗童七歲而孤居喪合禮位至散騎嘗侍太嘗卿

張元字孝始年六歲祖父成以夏中熱欲將元就井浴元固不肯從謂其貪戲乃以杖擊其脛曰汝何爲不肯洗浴元對曰衣以蓋形爲覆其褻不能露其體於白日之下祖異而捨之而鄰有二杏樹杏熟多落元園中有諸小兒競取而食之元所得者送還其主鄭譚年十餘歲嘗詣相府司錄李長宗長宗於衆中

戲之譚從容謂長宗曰明公位望不輕瞻仰斯屬輒
相翫狎無乃喪德長宗甚異之

隋王述字長述後周驃騎大將軍罷之孫少聰敏有
識度年八歲周太祖見而奇之曰王公有此孫足爲
不朽後位至大將軍復授行軍總管

于仲文後周大佐軻實之子九歲嘗於云陽宮見周
太祖問曰聞兒好讀書書有何事仲文對曰資父事
君忠孝而已太祖甚嗟嘆之後爲右翊衛大將軍進
位光祿大夫卒

裴政字德表幼學明敏博聞強記達於時政爲
所稱年十五辟邵陵王府法曹參軍事終於襄州總
管

于宣敏字仲達少沉密有才思年十一詣周趙王命
之賦詩宣敏爲詩甚有幽貞之志王大奇之坐客莫
不嗟賞位至奉車都尉

史萬歲京兆杜陵人父靜周滄州刺史萬歲少英武
善騎射驍捷若飛好讀兵書兼精占候年十五值周
齊戰於邗山萬歲時從父入軍旗鼓相望萬歲令左
右趣治裝急去俄而周師大敗其父繇是奇之後爲
河州刺史行軍總管

蘇夔八歲誦詩兼解騎射年十三從父威至尙書省
與安德王雄馳射賭得駿馬而歸十四詣學與諸儒
議論詞致可觀見者皆稱善位至通議大夫

李德林幼聰敏年數歲誦左思蜀都賦十餘日便畢
高隆之見而嗟嘆通告朝士云若假其年必爲天下
傑器鄴京人士多就宅觀之月餘日中車馬不絕年
十五誦五經及古今文集日數千言後終於懷州刺
史

宇文欣字仲樂幼而敏慧爲兒童時與羣輩戲輒爲
部伍進止行列無不用命者位至右領軍大將軍

辛師字公穎少沉謹有至性初就學始讀孝經拾遺
而歎曰名教之極其在茲乎終於汴州刺史

楊昇字文殊美風儀沉深有器局韶胤就學日誦千
言見者奇之後爲刑部尙書除吳州總管卒

柳肅少聰敏閑於占對起家周齊王文學武帝見而
異之召拜宣納上士位至工部侍郎

韋世康幼而沉敏有器度年十歲州辟主簿後拜荆
州總管卒於家

劉顯字嗣芳幼而聰敏當時號曰神童

辛德源字孝基沉靜好學年十四解屬文及長博覽

書記後爲諮議參軍

陸爽字開明少聰敏年九歲就學日誦二千餘言齊尚書僕射楊遵彥見而異之曰陸氏代有人焉官至太子洗馬

胡克讓年十四釋褐梁湘東王法曹參軍時舍人朱异在儀賢堂講老子克讓與焉堂邊有修竹异令克讓詠之克讓攬筆輒成其卒章曰非君多愛賞誰貴此貞心异甚奇之後爲通直散騎嘗侍卒

游元字楚客少聰敏年十六齊司徒徐顯秀以爲參軍事後位至朝請大夫兼侍御史

何妥字棲鳳西域人少機警八歲游國子學助教顧良戲之曰汝旣姓何是荷葉之荷爲是河水之河應聲答曰先生姓顧是眷顧之顧是新故之故衆咸異之終於國子祭酒

庾質字行修少而明敏早有志向八歲誦梁世祖玄覽言志等十賦拜童子郎位至太史

袁充少警悟年十餘歲其父黨至門時冬初充尚衣葛衫客戲充曰袁郎子絺兮綌兮凄其以風充應聲答曰惟絺與綌服之無數以是大見嗟賞後位至祕書令

盧大翼字協昭河間人本姓章仇氏七歲詣學誦數千言州里號曰神童及長閑居味道不求榮利卒於雜陽

庾季才幼穎悟八歲誦尚書十二通周易好古玄象後爲通直散騎嘗侍

崔願字祖濬七歲能屬文容貌短小有口才開皇初秦孝皇薦之射策高第後爲越王長史

薛道衡字玄卿河東汾陰人祖聰魏齊州刺史父季通嘗山太守道衡六歲而孤專精好學年十三講左氏傳見子產相鄭之功作國僑贊頗有詞致見者奇

之後才名益著位至司隸大夫

許善心字務本九歲而孤爲母范氏所鞠養幼聰明有思理所聞輒能誦記多聞默識爲當世所稱家有舊書萬餘卷皆遍通涉十五解屬文牋上父友徐陵大奇之謂人曰才調極高此神童也後爲給事中

薛世雄爲兒童時與羣輩游戲輒畫地爲城郭令諸兒爲攻守之勢有不從令者世雄輒撻之諸兒畏憚莫不齊整其父見而奇之謂人曰此兒當興吾家矣位至左禦衛大將軍

房彥謙字孝冲早孤不識父爲母兄之所鞠養長兄

詢雅有清鑒以彥謙天性穎悟每奇之親教之讀書年七歲誦數萬言爲宗黨所異終於涇陽令郎茂少敏慧七歲誦騷雅日千餘言後爲尚書左丞鮑宏字閏身父機仕梁爲治書侍御史宏七歲而孤爲兄泉之所愛育年十二能屬文嘗和湘東王繹詩嗟賞不已引爲中記室位至均州刺史

唐陳叔達初在陳年十餘歲嘗侍宴賦十韻援筆便就僕射徐陵甚奇之貞觀中位至吏部尚書

蘇世長父振仕周爲宕州刺史武帝時世長十餘歲上書言事帝以其年少召問讀何書對曰讀孝經論

語武帝曰孝經論語何所言對曰孝經云治國者不敢侮於鰥寡論語云爲政以德帝善其對令於獸門館讀書武德中爲天策府軍諮秦府開引爲學士高士廉幼而精爽絕倫占對敏慧位至開府儀同三司

李百藥字重規博陵安平人父德林仕隋內史令百藥幼而聰敏年數歲德林於燈下教以四聲一聞便解七歲頗能屬文齊中書舍人陸乂嘗過德林宴齊有誦徐陵文者云將刈瑯琊之稻坐客並不識其事百藥進曰傳稱邠人籍稻杜預注云邠國在瑯琊開

陽縣父等驚喜云此兒神童也官至宗正卿
百藥子安期幼聰辯七歲解屬文終於荊州大都督
府長史

孔穎達年八歲就學日讀千餘言至暮更誦未嘗嬉
戲有異凡童三禮義宗盡能闇記官至國子祭酒
房玄齡幼而聰敏五歲能誦毛詩及乎志學尤上草
隸博覽墳史位至司空

呂方毅才之子年七歲能誦周易毛詩太宗聞其幼
敏召見甚竒之賜以緜帛

王勃字子安太常博士福疇子也六歲善屬文與兄
勳俱稱少俊父友杜易簡嘗稱曰凡王氏三株樹
也

楊炤幼聰敏博學善屬文應神童舉拜殿書郎爲崇
文館學士

孫思邈京兆華原人也七歲就學日誦千餘言顯慶
中高宗召拜諫議大夫不受

狄仁傑字懷英爲兒童時門人有被善者縣吏就詰
之衆皆接對惟仁傑堅坐讀書吏責之仁傑曰黃卷
之中聖賢備在尤不能接對何暇偶俗吏而見責耶
位至內史

元萬頃河南人德州總管白澤之孫也幼解屬文起家爲通事舍人

孫述幼而英俊文思敏速始年十五謁雍州長史崔日用日用小之令爲士火爐賦握翰卽成辭理典贍日用覽之駭然遂爲忘年之交以是價譽益重開元初應哲人奇士舉

韋陟字殷卿尚書左僕射安石之子少聰穎頗異嘗童自幼風標整峻獨立不羣安石尤愛之位至吏部尚書東京留守

蘇震京兆武功人少以門蔭補千牛聰敏好學博涉

經史年未志學有老成人風伯項異之嘗謂所親曰吾家有子矣

嚴武中書侍郎挺之之子神氣俊爽敏於聞見幼有成人之風讀書不究精義涉獵而已弱冠以門蔭策名鳳右節度使哥舒翰奏克判官後爲成都尹改簡較吏部尚書封鄭國公

楊綰生而聰慧年四歲處羣從之中敏識過人嘗夜宴親賓客舉座中物以四聲呼之諸賓未言綰應聲指鐵燈樹日燈盞柄曲衆咸異之位至中書侍郎同中書門下平章事

劉晏字士安曹州南華人年七歲舉神童授祕書省
正字終於忠州刺史

高郢字公楚其先渤海蓆人九歲通春秋能屬文郢
子定幼聰警絕倫年七歲時讀尚書滂誓問郢曰奈
何以臣伐君郢曰應天順人不爲非道又問日用命
實於祖不用命戮於社是順人乎父不能對定仕至
京兆叅軍

房孺復太尉綰之子少慧黯年七八歲卽解綴文親
黨竒之位至容州刺史本管經畧使

權德輿生四歲能諷詩十五爲文數百篇編爲董蒙

集十卷名聲日大後爲簡較吏部尚書出鎮回元卒
蔣義字德源其先嘗州義興人後徙家於河南國子
司業集賢學士蔣明之子史官吳兢之外孫代以儒
學稱年七歲讀庾信哀江南賦數遍而能暗記始以
聰敏精強聞於親黨弱冠該博羣籍時論以史職許
之位至祕書監

令狐楚字殼士世以儒雅著稱楚少強記年十五善
屬文位至簡較左僕射興元尹克山南西道節度使
李聰西平王太尉晟之第十三子七歲以蔭授太嘗
寺協律嘗入公署胥吏小之不敬聰鞭之見血西平

因大奇之

元禎九歲能屬文十五明兩經擢第太和中終於簡
較戶部尚書兼鄂州刺史

李德裕宰相吉甫之子幼而壯志苦心力學吉甫每
以敏辯誇於同列武元衡曾召之謂曰吾子在家所
嗜何書意欲探其志也德裕不應翊日元衡具以告
吉甫因戲曰公誠涉大癡耳吉甫歸以責之德裕曰
武公身爲帝弼不問理國調陰陽而問所讀書書者
成均禮部之職也其言不當所以不應吉甫復告元
衡大慚繇是振名德裕會昌中爲太尉宣宗時爲東

都留守後累貶崔州司馬卒

郭承嘏字復卿汾陽王子儀曾孫生而異乳保之聞
卽好筆硯比及成童能誦五經

楊牧七歲喪父君喪有如成人而母長孫夫人知書
親自教授十三畧通諸經義善於文詠吳人稱爲神
童兄發戲令詠蛙卽曰澗邊分玉樹龍庭耀銅儀會
當同鼓吹不復問官私又令詠筆仍賦鑽字卽曰雖
非囊中物何堅不可鑽一朝操政事定使冠三端每
良辰美景吳人造門觀神童請爲詩什觀者壓敗其
藩後自宣歙觀察使貶端州司馬尋削官封

梁羅周敬年七八歲學賦詩往往傳於人口

後唐馬希範湖南節度使殷之第三子少而溫雅稍涉文史開平中授著作佐郎國子博士俄解金紫光祿大夫簡較右僕射典湖南親軍同光中殷遣希範入貢莊宗問洞庭廣狹希範對曰洞庭至狹若車駕南巡止可飲馬莊宗拊背嘉之超授簡較太保永州刺史

李琪年十三詞賦詩頌大爲王鐸所知然亦疑其假手一日鐸召父毅讌於公署密遣人以漢高祖得三傑賦題就其第試之琪援筆立成賦尾云得士則昌

非賢罔共龍頭之友斯貴鼎足之臣可重宜哉項氏之所以此一范增而不能鐸覽而駭之曰此兒大器也將擅文頌

趙美幽州節度使德鈞之孫天成四年德鈞奏美年五歲默念何論孝經令於汴州取解就試勅封尉之孫能念儒書備彰家訓不勞就試特與成名宜賜別勅及第仍附今年春榜

晉盧質幼聰慧善屬文年十六陝帥王重盈奏授芮城令

安元信幼爲兒童時嘗與里中同輩戲爲營陣獨申

明進退交繫之勢宛成部分邑之耆老有尚懷古者
謂元信父萬金曰此子成人必達軍旅之事若賦以
壽則爲將爲侯爾其志之後至耀州團練使

漢李崧深州饒陽人父舜卿本州錄事參軍崧幼而
聰敏十餘歲爲文家人竒之弱冠本府署爲參軍其
父嘗謂宗人李鏘曰大醜坐處竒形氣異前途應不
居徒勞之地賴吾兄誨激之

大醜卽崧之小字也

後至宰相

周皮台符字光信深州武強人幼善屬文唐同光中
擢進士第釋褐爲鎮定從事位至翰林學士

和凝幼而聰敏姿狀秀拔神彩射人少好學書一覽
者咸達其大義後至相位

王朴幼警慧好學善屬文位至樞密使

册府元龜

總錄部

